

福生  
回生

第五期

呂祖師降乩題示

福澤未嘗私  
道法自來  
法水如

甲子書

清淨无为

六度

捨戒忍勤定慧

勤修六度志佩金剛

常行九美心存大道

禮義信廉節惠仁孝忠

九美



福星序

集編者無名氏

福星刊行。今已五期。所載盡是三教聖賢仙佛飛  
鸞闡化。金玉真言。傳世道德文章。誦之行之。  
子孝孫賢。福慧隨身。壽與天齊。傳者功。印者  
德。其傳愈廣。君子愈衆。福星普照。道運必興  
。人神共慶。天清地寧焉。是爲序。

仙派源流

大道之傳。始於太上老子。而盛於呂祖。溯其源。  
。少陽帝君。得老子之傳者也。兩傳而得呂祖云。  
。少陽帝君王佺甫。傳正陽帝君。正陽帝君鍾離  
雲房。傳孚佑帝君。孚佑帝君呂純陽。傳海蟾帝  
君。海蟾帝君劉成宗。傳紫陽真人。紫陽真人張  
伯瑞。傳石杏林真人。石杏林真人。傳薛紫賢真  
人。薛紫賢真人。傳陳泥丸真人。陳泥丸真人。  
傳白紫清真人。白紫清真人。傳彭鶴林真人。孚  
佑帝君。又傳重陽帝君。重陽帝君王德威。傳馬  
丹陽真人。馬丹陽真人。傳宋披雲真人。宋披雲  
真人。傳李太虛真人。李太虛真人。傳張紫瓊真  
人。張紫瓊真人。傳趙緣督真人。趙緣督真人。  
傳陳上陽真人。按少陽帝君。正陽帝君。孚佑帝

君。海蟾帝君。重陽帝君。爲五祖。王重陽又傳  
邱長春。劉長生。譚長真。郝廣寧。王玉陽。孫  
清靜仙姑。合之馬丹陽。爲北七真。張紫陽又傳  
劉永年。合之石杏林。薛紫賢。陳泥丸。白紫清  
。彭鶴林。爲南七真。南北兩宗皆呂祖法嗣也。  
猗歟盛哉。

### 呂祖法號與化名

外顯廣大道德大聖大慈  
內藏教化暗示修行玄機

### 澈圓降示

澈生今本已沾天恩澤位弟子班職司乩壇之責驚

今晚機緣巧合。余弟余弟。相處亦已有時。第五  
期福星。明年邁步前進。精誠所至。金石爲開。

吾發願爲扶道堂。專司乩壇之責。非祇一日也。倡明聖道。立功立德立言。大道無言。無言弗傳。所以福星高照。點化羣生。今欲先加上本師純陽帝君法號與化名。本來姓氏等等。令所有乾坤弟子及善信都得知之。呂祖名瓊。字伯玉。原本李姓。避日月當空之難。携妻入於廬山。時祇二口。乃改呂姓。住於岩洞之間。又名曰岩。字號洞賓。妻劉氏羽化上昇。時已煉還童體。卦氣盡而返先天。復成乾象。乃號曰純陽。先說受封法號。

(一) 先天太史三教正宗玄天啓教正法天尊

(二) 我人悉化萬劫真宰無爲教主

(三) 九天上帝三界獅王聖神無雙宏法天尊

其餘諸多法號。歷朝封贈。汝等有經可尋。諸如

。南無玄通文尼自在光佛。純陽演正警化孚佑帝君。妙通真人等等。更名顯化。諸如。無上宮主。宮字無上。乃為呂字。回道入。回回子。都是呂字。上口藏於下口之間。一摧上去。豈非呂字乎。山石道人。豈非岩字乎。呂祖變化萬千。呂字解釋。上○先天。下○後天。先天降後天。後天上先天。即太極生無極。呂字本意。後極通無極。其理如此。非祇說是惟二口之論。通俗等等。參考與談論可也。

一九八三年歲次癸亥十一月廿三日

封贈祿位

十受餘封年者區中宵圓行是功抱而大堂報昔處年事扶專鸞誠生

太白金星降示

桃佛

濟佛

孚聖保舉

奉

昊天至尊敕令卽封區澈圓修者爲

香江得道天青源流護壇使者

靈應事蹟因緣留駐

集編者

呂祖靈應事蹟甚多。諸如。神通變化之武昌賣墨

。水化成酒。墨化成金。鱸魚再活等。更名顯化

之無心昌老。昌中虛。黃襖翁等。晉謁儒門之謁

丁晉公。張參政等。經從道觀之神光繪像等。遊

戲僧寺之開元贈金。大雲會食等。市廛混跡之邵

城酒市等。菴堂赴會之白雲挂搭等。丹藥濟人之

孝感救母。江陵醫眼。岳陽貨藥等。景物題詩之

黃鶴樓詩等。因緣會遇之何仙遇道。海蟾得道。

曹仙得度。重陽得度。孝感遇仙。延直遇仙。法

真求度。參謁黃龍。台州退漲。夢仙除瘤。遺金  
化石。鵠磯示現。古文墨跡等等。不勝枚舉。請  
怒從簡。欲求其詳。請參呂祖全書及神仙通鑑。  
稍有存疑。仰慕高明指正。清季庚子春。祖師降  
方普濟粵城時疫。活人逾  
三千之衆。因印鴻爪於橫沙。而竟駐留。玉成弟  
子心願。隨緣顯化於香江。由是鸞壇林立。正宜  
闡教萬方。普渡有緣。香江兩岸。安定有賴。仙光  
。亦賴善道之興行者焉。

純陽子駐迹橫沙偶印鴻爪

昔年高臥黃鶴百尺樓。聽殘山寺霜鍾秋。我今仗  
劍飛渡過潯峽。遙瞥神秀萃林邱。高臺謂今新所  
築新臺特起屹相向。門前日見江水流。流水潮通

響朝夕。千頃碧滙鵝潭湫。風帆沙鳥閒出沒。桑  
田荔塢相遭周。微茫不使一覽盡。興與山川共悠  
悠。我曾逃閒數登眺。好景但記名山遊。豈料因  
緣印鴻爪。飄飄蹤跡成淹留。昔來遊此鄉多留題  
詠今竟駐迹弟子雅意何綢繆。丹砂晨夜重誠求。  
開樽佳日每廷賞。倚徒足供雙醉眸。我喜尋詩更  
嗜酒。擘箋染翰揮觥籌。此中得句欲飛去。狂來  
不覺吟掉頭。時當長夏炎雲稠。陰圍木杪風颼颼  
。披襟鎮日迓涼碧。爽來拂拂坐深幽。清虛耳目  
澹忘慮。置身豈與人境侔。拍闌大叫踏空去。鳳  
凰帶月迎前洲。鳳凰嶺在白雲山右

抱道堂源流

集編者無名氏

公曆一九〇〇年。清季庚子春。粵城四境。瘟疫

流行。羣醫束手。純陽呂祖仙師飛鸞降方。活人逾三千衆。指示製煉痲痘水霍亂丸。普濟羣黎。事有求而必應。因而有緣善信。咸懇駐跡。永冀垂慈。真誠所至。蒙予恩准。翌年辛丑。一九零一。橫沙亦鶴樓由斯而成。從此奠定此地。吾道闡教之基。祖師題示云。『度盡世間人。宏願未知何日慰。勉茲門下士善功休令半途虧』。門下弟子亦能善體師心。不負所望。癸卯之秋。一九零三。興建善堂。位於樓之西北。顏曰『與善』。甲辰冬月落成。一九零四。祖師恭請鍾離太師主堂。施藥濟貧。種痘保赤。於南番清花鶴新六邑。借地設局二十四所。受惠孩童逾萬。此固由於祖師之慈悲。抑亦由衆弟子努力有以完成也。特表而出之。使後之人更發揚

而光大之。庶無負祖師之期望矣。道運日隆。來歸者衆。增建臥雲廬。崇奉張三峰祖師主持闡揚道法。廣印經書傳世。教化生民。門下祿牌附於左右。俾歸真者棲神。好道者居茲靜養。臥雲成立。歲在辛酉。(一九二一)是歲夏月。香江分壇成立於上環大道中。崇奉呂師張師增祀白玉蟾仙師陶真君。擴大闡化。命名『抱道堂』其旨勉諸弟子。道不可須臾離也。天心人願。光大吾門。成就基業。澤遠流長。一九二四年。甲子夏。承師訓。擇冬月。遷於西環太白台。增設靜廬。崇奉李青蓮仙師南極仙翁主持修行道功之所。張祖師於癸巳小陽降鸞傳授玄素經。以爲門人修行之梯航。衆聖常臨。常予善導。嘉勉內外功果。迨後人口地運東移。承

命於一九五九年歲次己亥中秋前夕。遷往北角英皇道美輪大廈。以資發展。除崇奉呂祖師張祖師和原有列位仙師之外。以水有源。虔誠恭請鍾離太祖師主持擴大普度。成就門人心願。仙靈顯赫。無求不應。信道日多。皈依者衆。堂中弟子。十方善信。咸沐恩光。善緣廣結。道運日興。又於一九八四年歲次甲子。宏基立業。擴展堂貌。慈風普振。法水長流。其功德豈有涯耶。

澈圓使者降示

甲子年二月十九日

慈悲法語洒香江 乾坤濟濟抱道堂

今日有緣同論道 中央戊己老同黃

世稱黃老。又說老莊。此衢衢之大道也。佛家之

觀世音菩薩。道家之呂祖仙師。菩薩度生。仙翁濟世。因爲大願宏心。故此永恆顯現。歷朝歷代。聖跡繁多。又如關聖天皇。憑其浩然正氣。如今應寫先天之炁。深入民間。故此儒教奉爲中天玉帝。儒教中人知之久矣。今特說明。以免誤會耳。

### 純陽呂祖仙師寶誥

至心皈命禮

玉清內相 金闕選仙 化身爲三教之師 掌法判  
五雷之令 黃梁夢覺 忘世上之功名 寶劍光騰  
掃人間之妖怪 四生六道 有感必孚 三界十方  
無求不應 黃鵠溪頭留聖跡 玉虛殿內鍊丹砂  
存芝象於丹崖 顯仙蹤於玄洞 闡法門之香火

爲後嗣之梯航 大聖大慈 大仁大孝 開山啓教  
玄應祖師 天雷上相 靈寶真人 純陽演政 警  
化孚佑帝君 興行妙道天尊

鍾離太祖師訓示

崑巍瑰偉閣凌空 有此人間播道宮  
縱橫俯仰空今古 香海山河在眼中  
塵裏莊嚴仙洞府 爐香裊裊瑞烟籠  
一室薰陶蘭茝氣 桃李春風道味濃  
吾道法門無二至 不偏不易是中庸  
居行抱志原無異 培植根源乃善功  
一蹴便登賢聖域 普渡宏施濟大同

純陽呂祖師降示

五期普渡更玲瓏  
萬朵蓮花萬樹松  
小心奕奕編排好  
此乃玄中會大同

純陽呂祖師降示  
癸亥十二月十五日

一路福星降本堂  
推行道運放金光  
弟子同心天地闊  
乾坤開展說玄黃

純陽呂祖師降示  
癸亥十二月廿五日

三陽啓泰光涵海  
百鳥朝陽知不知  
五嶺開來天下闊  
九龍飛到香江來

呂祖師尊訓示  
尊師重道  
(重)

語云。尊師重道。換言之尊其師長。必須以道爲重。以道爲重。方是尊師也。所謂道者何。在本

身而言。則第一步必正心修身。勤於經懺。在行道弘法而言。則初步以爲善以爲本。博愛濟羣。扶危拯困。無論其爲財爲力。必盡吾之所能。再推深一層功德。則宏道說法。普度衆生。捨此則何以爲道。用何而尊師。若爲個人福利而叩拜殷勤。卽令任何崇奉。亦非真正尊師。而且去道更遠矣。

# 考道

呂祖仙師勸孝誥

百行以孝爲先

孝之義大矣哉。夫孝德之基也。忠之門也。天之  
心也。地之程也。人之本也。不孝則德之基傾。  
忠之門塞。天之心覆。地之程缺。人之本賊。傾  
則仁義禮智無其根。塞則經綸事業閉其庭。覆則  
日月鬼神促其生。缺則東西南北失其衡。賊則視  
聽言動亂其真。故基立而百行端。門開而行藏裕  
。心順而福祿集。程全而心志泰。本安而枝葉茂  
。則大乎德。通乎忠。感乎天。應乎地。成乎人  
。千古嘖嘖稱爲孝子之名。夫哀哀父母。生我劬  
勞。懷抱而冀其步履。步履而冀其成立。疾則思  
其愈。長則思則賢。賤則思其貴。貧則思其富。  
爲之顧復。爲之提携。爲之飲食。爲之衣冠。爲  
之擇師。爲之娶妻。爲之立產。爲之欣喜。爲之

恐懼。人年不滿百。而一生心血。半世經營。祇爲子孫用盡。是以知天下無不是之父母。而人間有不順從之子孫。蓋天下事有待。而孝無待。待其富。如終不富。而親莫留。待其貴。如終不貴。而親忽逝。天之歲月。不爲父母久邀。人子之心。昊天罔極。故志士常惜寸陰。孝子當惜分陰。孝子之心本一。孝子之分不同。玉食萬方。孝也。菽水承歡。亦孝也。七廟追封。孝也。春秋家奠。亦孝也。天子有天子之孝。諸侯有諸侯之孝。卿大夫有卿大夫之孝。士庶人有士庶人之孝。孔子之謂五孝。過分而薄其親。非孝也。違分以悅其親。亦非孝也。盡己之分。行孝之事。是孝無已。然人生有二恨。嬰孩之際。祇知嬉戲。恃親之愛。肆己之爲。未能曲盡敬親之道。恨也。

。長而毛裏之念常生。音容之追已渺。雖珍饈醴酒。不能奉雙親於九泉。風木之悲。終身浩嘆。恨也。如此二恨。則父母雙全。言笑依依。承歡膝下。人生大幸。自當晨昏定省。竭盡孝思。在一日則伸一日之報。在一刻則伸一刻之報。庶返心不愧。顧影無慚。否則悔將何及。今世之人。不孝者因父母怙愛。家庭之常。忽畧過度。禮節不生。色慾日深。天恩漸薄。對妻子之日長。對父母之日短。與妻子之言多。與父母之言少。此等之人。實係下愚。賢哲不齒。明神見棄。故家庭之間。不可一日廢禮。廢禮則慢生。慢生則釁起。釁趣則變出。是以父坐子立。嚴矣。行之而覺安。冬溫夏清。煩矣。久之而心悅。親未食。已不敢食。親未飲。已不敢飲。已不敢飲。親未衣。已不敢

衣。親未命。已不敢出。一步而不敢忘孝。一言而不敢忘孝。一事而不敢忘孝。親在不敢以身許人。親在不敢以遊爲名。親在不敢以忿易生。親在不敢以險可乘。夢寐之中。而孝思自存。非要譽於朋友。非求名於家國。非邀福於鬼神。孝德所昭。朋友自稱之。家國自顯之。鬼神自祐之。可以爲德之基。忠之門。天之心。地之程。人之本矣。水無源則竭。木無根則彫。屋無柱則傾。山無腳則崩。天地無氣以舉之則墜。日月星辰。無天以繫之則滅。山川草木。無地以載之則絕。故天地生人。父母生子。人本於父母。卽本於天地。人無孝則何以爲人。夫孝有十。一曰承顏。承顏者。父母有笑容則喜。有愠色則懼。已有喜。當父

母之前則增。已有怒。當父母之前則消。無喜無怒。父母見之不堪。有喜有怒。父母見之亦不常。惟婉容悅色。言笑依依。始可謂之承顏。二曰順令。順令者。父母欲之東。已不可往之西。父母欲之南。已不可強之北。父母欲賞一人。已不可曰不賞。欲罰一人。已不可曰不罰。惟適其意。行其願。養志無違。始可謂之順令。三曰寬心。寬心者。父時於日用則心謀之。於禍患則心防之。於子之不肖。則心恥之。於子之疾病。則心憂之。惟不以日用累其心。禍患懼其心。不肖勞其心。疾病虞其心。泰然自適。優遊無礙。始可謂之寬心。四曰敬身。敬身者。言動視聽之非。俱足辱親令名。舟車飲食之損。俱足虧親全體。惟口無妄言。行無妄動。立無妄視。坐無妄聽。

車而恐墜。舟而恐覆。飲而恐醉。食而恐傷。始可謂之敬身。五曰善養。善養者。天未寒。撫父母之背曰。得無寒。寒則添衣。時未飢。進父母之前曰。得無飢。飢則進食。已雖裋褐。親必備裘葛。已雖藜藿。親必極滋味。始可謂之善養。六曰繼美。繼美者。親用一人。已不敢改之。親行一事。已不敢更之。親遺一業。已不敢變之。親親留一言。已不敢忘之。待親之人愈厚。視親之事愈重。守親之業愈謹。記親之言愈深。始可謂之繼美。七曰格非。格非者。主之過可以犯顏敢諍。親之過不可以直言明辨。主以義合。親以恩合。親有大過。惟積以誠意。動以至情。婉言不從。繼以號哭。天性之間。必有動者。始可謂之格非。八曰調疾。調疾者。父母有恙。請明醫。

慎風寒。躬親湯藥。進嘗飲食。衣不解帶。夜不成寢。食不知味。久而耐煩。愈而心樂。始可謂之調疾。九日盡哀。盡哀者。父母之恩。百年莫報。父母之終。千秋永別。臨沒而淚流血。心如裂。含歛而聲如塞。容如墨。送喪而往如慕。返如疑。水漿不入於口。苦塊不離於身。音樂不聞於耳。笑談不見於齒。自三日三月。至於三年。哀於禮有節。哀於心不忘。始可謂之盡哀。十日追思。追思者。春而奠。秋而祀。生而哭。忌而泣。節而哀。時而獻。廟而新。墳而掃。覩風木而興悲。觀白雲而長往。執遺器而悽愴。讀遺書而徬徨。始可謂之追思。此之謂十孝。無處不宜孝。無時不宜孝。無事不宜孝。無人不宜孝。當知生於心。難以言盡。說此十孝。以勸世人。當知

水源木根。屋柱山腳。天地本於氣。日月星辰。山川草木。本於天地。人本於父母矣。父母是兩尊活佛。今世人不知敬。昔有楊黼家貧。耕數畝。竭力奉親甘旨。一日聞蜀有無際大士。辭親往訪之。途遇一老僧。問何所之。曰。欲見無際。老僧曰。欲見無際。不知見佛。曰佛安在。曰汝但回。遇着某色衣履者。即佛也。遂回。無所遇。夜至家扣門。其母聞聲喜甚。即披衾倒屣出戶。乃向所言佛狀也。自是知父母是佛。不用遠慕。況天下事之報應猶遲。惟孝之報應甚速。一念之孝。神自知之。一事之孝。人自敬之。如孟宗之哭竹。王祥之臥冰。天性之感。何其神速。故孝子之家。祥雲常遶。吉神遠照。不孝之家。凶鬼在堂。戾氣冲天。可不惟哉。今世人動言繼母

難事。子道維艱。不知天性可感。後母之不慈者固多。極惡者亦少。皆因世人喪偶續娶。前邊兒女。先將古來許多晚娘惡件。填在胸次。這邊晚娘父母保婢。又唆教自立馬頭出來。兩邊人弄出搬來。言是言非。遂將天下繼母。俱看得是不慈的。所以人子每遇繼母。不孝者多。今惟竭盡己道。動以誠敬。人非草木。豈不心回。勸孝至此。惓惓欲世人盡孝之意。至矣盡矣。倘執迷不悟。不獨負天地。負父母。且負子純陽子一片婆心矣。

老人飢餓自嘆

我也曾經養我兒  
我兒今又養孫兒  
我兒餓我由他餓  
莫教孫兒餓我兒

此詞讀之。初覺甚趣。細味之。其情甚苦。世之爲子者。必須生養及時。毋使老親啼饑號寒。諸多怨嘆。方得爲孝。俗語云。必在生前濟咽喉。莫到死後祭山頭。是的論也。

老人嘆十苦頭面鼻眼耳口齒身手腳  
我嘆老來真苦楚聽我從頭訴根由  
頭老血枯生白髮面老鷄皮總帶愁  
鼻老難聞香與臭眼老昏花涕泗流  
耳老難聽人言語口老談言不自由  
齒老吃食無甘味身老長眠碍骨頭  
手老難拿輕重物腳老行程動氣稠  
堪嘆老來無好處無常一到做骷髏  
（按）年老人。有此十件悲苦。是子所奉親

者惟此時。親所賴子者亦此際。爲子媳者。當竭力服勞奉養。以期安樂而終餘年。俗云養兒防老。此之謂也。總而言之。凡爲人子女者。服事父母翁姑。生前能使父母翁姑無一毫怨嘆。死後能於自己無一毫悔恨。是謂之純孝。人其勉之。予日望之。

### 文昌帝君戒淫文

萬惡以淫爲首

蓋聞孽海茫茫。首惡無非色慾。塵寰擾擾。易犯惟有邪淫。拔山蓋世之雄。坐此亡身辱國。繡口錦心之士。因茲敗德隳名。始爲一念之差。遂至畢生莫贖。何乃淫風日熾。天理淪亡。以當悲當。恨之行。反爲得計。而衆賤衆惡之事。恬不知羞。刊淫詞。談麗色。目注道左嬌姿。腸斷簾中。

窈窕。或貞節。或淑德。可敬可嘉。乃計誘而使  
無完行。若婢子。若僕妻。宜憐宜憫。竟勢逼而  
致玷終身。既令親族含羞。尤使子孫蒙垢。嗟嗟  
。總由心昏意濁。賢遠佞親。豈知天地難容。神  
人共怒。或妻女酌償。或子孫受報。絕嗣之墳墓  
。無非好色狂徒。妓女之祖宗。盡是貪花浪子。  
當富則玉樓削藉。當貴則金榜除名。笞杖徒流大  
辟。生遭五等之刑。地獄餓鬼畜生。歿受三途之  
苦。從前恩愛。至此皆空。昔日風流。而今安在  
。與其後悔以無從。何不早思而勿犯。謹勸青年  
志士。黃卷名流。開覺悟之心。破色魔之障。芙  
蓉白面。不過帶肉骷髏。美艷紅妝。乃是殺人利  
刃。縱對如玉如花之貌。常存若姊若妹之心。未  
犯者宜防失足。曾犯者務早回頭。更望展轉流通

矣。則首相化導。必使在在齊歸覺路。人人共出迷津。百邪自息。靈臺無滯。世澤垂榮。

五  
常  
八  
德

觀音菩薩降五常之仁常文

仁者愛而已矣。故博愛之謂仁也。能推行仁愛於世。自無爭戰之可言。何時不是義農之世也哉。人君行仁政庶民抱仁心今古亦同一轍也。溯自性出靈山。形成下界。芸芸萬類。盡是同胞。碌碌羣生。原歸一本。皆由無極而分性者自應不分畛域。物我同倫。為君者行仁政以臨民。黎庶者以仁心而愛衆。以責人之心責己。以恕己之心恕人。穆穆雍雍。以慈以敬。其樂何如。唐虞之世亦不外如此。歷遍塵凡。復還天上。故上古龍華。靈種歸真最易。蓋因其仁愛之性。相習成風之故也。降及後世。習染日非。自私心動。仁愛之性。漸為我相而轉移。寢成弱肉強食。優勝劣敗之風氣。仁愛之性。已蕩然無存矣。傷哉其始也。則以

異類爲可欺。誅之而不能與我較。利彼之肉。以供我飽。或謂之殘忍。則曰。人與人相愛可也。異類非我所宜愛也。不仁之性從此生矣。繼則以異族之人。其弱爲可欺。任我施爲而不能爲我敵。我當奪其土地財產。以利我種族之人。其必曰。吾與吾種族相愛也。胡愛其他。畛域一分。忍心自伏。由異類而至於異國。皆不以博愛之心爲心。漸而至於鄉黨。而一家父子兄弟之內。皆有不以仁愛之心相處。此戰爭殺戮之所由起也。亦由不仁之所釀成也。人人具此心。所以浩劫之來。亦人所造成也。其不以仁愛爲懷。而以私利爲念。則必人人圖自強。國國充武備。若曰。非武力不能立國。非武力不能維家。非武力不能立身。以至人人圖自強。自強不外乎武力。則武力之羅致。

。其殺人利器之所由興也。不仁之道至此極矣。欲圖一分之力量。必有更進一步之武器。務求其益精。惟恐其不利。殺人之不多。能力少遜。便遭強者所蠶食。武力若足。其弱者必爲我所鯨吞。今日之各國正如此操意人人如此存心。個個如斯立念。始爲自私自利。繼則勢成騎虎。和平神。恐出世無期。陸沉鬼。必行將發現矣。勢所必然。仁愛之道乖。便造成如斯之結果。良堪浩嘆。殊足傷心。費盡仙佛苦心。莫挽狂瀾於既倒。故屢臨壇降訓。冀收車薪杯水之功。今之所欲度返靈根。蓋度其未迷真性之人。人心未死者其昏迷不醒者。吾不能度也。爲此深勸世之未昧良知者。雖一蟲蟻之微。必存仁心而愛護。勿恣惡意以殘誅。要皆性賦由天。知覺原同一理。不過幻形分

處耳。其神本不分。若夫異鄉異種異族之人。當一般仁愛。豈忍恃強凌弱也哉。假如我弱人強。其又將何以怒己者乎。我不欲人之加於我。我亦欲無加之人。以仁愛之心爲心。以殘忍之念爲戒。可也。

呂純陽祖師降訓示

演陽仙館老仙翁。爲奉綸音到此中。  
勸爾皇胎存義氣。茅心吾且爲君空。

呂純陽祖師降五常之義常文

夫義者。理之宜也。所以制事也。人莫不有義。而亦未嘗不知義。在乎蔽與不蔽之判耳。利爲義之賊。蔽義者。其爲利而無疑。苟爲利所蔽。則

弑父與君。害人禍己。無所不爲。胥基於此。若  
事事由義所裁判。則爲聖爲賢。成仙成佛者。亦  
在是也。故我天皇自桃園一諾以還。秉此義氣  
以立身。貫充乎天地。與日月而爭光。當其千里  
走單騎。秉燭達旦。封金掛印。始終如一。非曹  
瞞之利誘。足以動其心而奪其志。聊引當年事告  
爾世人知蓋爲義之所造成也。義之用於君臣之間  
。君必有禮而臣必忠。用於父子之間。父必慈而  
子必孝。兄弟夫婦朋友。皆守之以義。則兄必友  
而弟必恭。夫賢而婦順。不以貧富而易交。不以  
始情而終敵。雖造次顛沛。不能易其志也。推之  
君父或罹不測之憂。而臣子本義之所在以制心。  
則必以身殉之。其利害在所不計。鞠躬盡瘁。之  
死靡他。怪義自命非不知生之樂。而死之苦。爲

義所不許故也。楊震畏四知而辭金。非不知金之利。亦爲義所不容也。世之昧却良心者。往往因利而忘義。利心一動。則義無存焉。爲官者罔上殃民。爲子弟者毆兄逆父。爲妾婦者背禮離婚。與朋友交。口密腹劍。以義結而以利斷者有之。嗚呼。義之用大矣。不義之害亦大矣。吾勸世之靈種。所作所爲。事無大小。必思其義而後行。若出乎義者。雖利不爲。如合乎義者。雖無利亦當急進而勇爲之。不可後人一步可也。

### 張三峰祖師降五常之禮常文

夫欲維世運。欲挽頽風。舍禮他圖。原無別法。故家庭革命。乃爲禮教之陵夷。聖道無光。亦緣禮儀之喪失。遂至淫風遍地。殺氣冲天。天柱傾

焉。地維折矣。君臣之道無。父子之恩絕。兄弟之序紊。夫婦之情斷。朋友之義衰。可勝浩嘆。如此現象誠足傷心故古之聖人教世。必以禮爲務之先。誠以禮爲人之本。無禮則不能自立。禮之於人。固不可一刻離也。可離非禮也。家庭有父子兄弟夫婦之禮。朝廷有君臣之禮。社會有朋友交際之禮。鄉黨有祭祀宗廟之禮。禮所以制心。所以陶性。所以閑邪。所以遏欲。動與靜。難越其規。顯與微。隱藏其矩。燕處勿失其儀。事事以禮制心。顯微常防禮越。奸盜邪僞諸端。無由而生。犯上作亂之事。無從而發。苟或私欲一生。則心便肆。其行必乖。不以禮節之。則無父無君。亂倫壞紀傷風敗俗之勢成。浩劫之來。亦胥由此。孟子曰。無禮義。則上下亂。禮於國運之盛衰。

。家庭之與替。風俗之淳澆。劫數之大小有與焉。  
。禮之關係。不亦大歟。無禮不足以立身。無禮  
不足以齊家。無禮不足以治國。簡而言之。無禮  
不足以爲人。詩曰。人如無禮。胡不遄死。此之  
謂也。今之世。禮教喪失。幾幾乎已蕩然無存。  
所存者。不過鳳毛麟角矣。吾謂人心之盡死。不  
過偷生於人世。苟延殘喘耳。噫。可不悲哉。否  
作此文。乃欲救起其未死之人心。後此能以禮自  
持。急起直追。或可冀收功於萬一也。其勉乎哉  
。其勉乎哉。

### 張桓侯大帝降壇詩

遙觀張祖返天宮。我亦乘雲到此中。  
命奉天皇降智德。文成醒世等晨鐘。

張桓侯大帝降五常之智常文

夫人生於天地間。得天賦之性厚。加以學問教化者則智。得天賦之性薄。無學問之培植者則愚。此理之定也。智愚之理湛然古之聖君名相。忠臣孝子。哲人碩士。此皆有智之人也。非智者不能出此。然而奸雄國賊。匪首訟師。土豪光棍者。亦有智之人也。非智者亦必不能爲此。流芳千古者。智者之所爲也。遺臭萬年者。亦智者之所爲也。同具此智。而判若霄壤者何也。蓋因其用之正與不正之別也。若窮其智以爲濟人利物之事。建國匡時之業。著書設教。爲人型範。其不芳流千古者幾希。此所以爲真智者。方不辜負其智若逞其智而爲殃民害衆之事。欺誣詐僞之業。其欲

不遺臭萬年者。不可得也。是誤用其智也。故功首  
罪魁。皆智者之所造也。以智而造惡。雖智亦愚  
。若愚者能向於善。雖愚亦智也。斷得有理。昔者  
飛也。雖不甚愚。然不敢稱爲智者。比之曹操。  
則我之智計。有不能望其肩背也。吾今則爲中天  
亞聖。留清譽於人間。沐鴻恩於天上。彼操者。  
則萬古沉淪於苦海。永墮泥犁。此時豈不智於彼  
哉。與我之苦樂。亦不啻雲泥之隔也。吾以忠義立  
身。雖愚亦智。彼以奸殘而取巧。雖智亦愚。吾  
願世之智者。當以有用之智。爲公益之事。無將  
其智作邪曲之行可也。要認清楚。庶幾無辜負其智  
。且夫智者之天性厚。亦其之根器大也。用於正  
途。成功最速。得聞大道。成佛非難。何樂而不  
爲哉。奈何舍善而從惡。厚根靈種墮落。尤足痛心

惜甚。其迷途未遠者。見是篇當可以猛省矣。  
又詠七絕詩一首  
近時智者盡爲非。墮落皇胎最可悲。其理既知而  
故犯。利心重處道心離。

李凝陽仙師降壇詩

連朝春雨又清明。習習涼風樹有聲。  
靄靄祥雲生足下。霏霏絲露浥身輕。  
大聲疾喚殘靈醒。浩劫常降我亦驚。  
還不趕修勸誦坐。猶耽財利日經營。

李凝陽仙師降五常之信常文

信也者。言之端也。人之本也。不信何以立言。  
不信何以爲人。故信之篤者。遠近咸孚。信之深

者。神明能格。出於己口。無或食之自肥。約之於人。何可寒盟而已。無論處常處變。當守信而勿渝。同樂同憂。始有約而終當實踐。庶可以立身於天地間語無輕發。出於口者當戒於心。諾不輕期。受於人者當忠其事。守千金之一諾。重九鼎之一言。庶幾可也。至聖不可與不立之言。各宜遵守。宗聖三省之訓。毋或遺忘。旨哉斯言。其三復之。懷鷄黍之遺風。慕掛劍之美德。古之守信有如此盟。深車笠。雖貧富而信不渝。契結芝蘭。歷安危而信猶守。雁秋至而燕春來。彼禽猶知守信。以朝三而暮四。雖獸也。豈可欺乎。是人之於信。可謂大矣。不信者。禽獸之不若也。近世人。心陷溺。道德胥亡。五常不守。八德拋荒。或有始而無終。或心非而口是。債項纍纍。償還無日。

。約言鑿鑿。踐履無期。任他天大事情。雖面然而背否。倒向江流之寄。其浮沉者何拘。壞却心腸。喪其天性。以義約者必以利忘。以始孚者必以終棄。輕信者必遭其害。篤信者返入其彀中。世道人心如此。而欲祈天緩劫者。豈可得乎。不信者。當以此爲戒可也。

### 宗聖曾夫子降壇孝德詩

十月三年父母恩。此身纔得有其身。知否劬勞應爾生前報。鞠育時思少小親。膚髮昔聞夫子說。文章今向後人論。高年白髮應時護。免悔他年風木頻。與其親沒而悔何如親在能孝

### 宗聖曾夫子降八德之孝德文

劬勞親德。浩浩如天。鞠育親勞。源源若水。此日之昂昂七尺。思之果自誰來。對父母而須盡孝之忱。烏可容已。是孝者。人之所必須而不能棄也。然則奉行孝道。果何如也。蓋當父母之在。溫恭奉侍。怡色柔聲。冬宜溫。夏宜清。有勞則代。有旨即供。悖德毫無。順心常抱。有命則行。有喚即至。當己在外。責婦以代子之勞。身雖不在親側。而心常繫之。每食不忘。有甘旨雖千里馳奉可矣。親有疾。則百里暮夜奔歸可也。若當親之不在也。則枕塊居喪。饘食盡禮。內門不入。常思親德之巍峨。食旨不甘。時念親功之罔極。不飲酒。不聽樂。雖三年不見齒亦可也。服如古禮。莫從新穀之言。能如此。或可報親恩於萬一也。爲人子者於斯可矣。吁。胡今之人。倫彝

不講。古道無言。以親德爲無奇。以親勞所當盡。一出家庭外。便言親德如寄生。惡是何言哉。置昊天罔極之恩於九天雲外。或有妻則聽妻言以逆上命。有子則娛子而不問親安。甚至怨詈之聲。起於堂前。以老親不死何待。喪心病狂。或一時氣憤而毆打。竟敢公行。當受雷誅可悲哉。可惡哉。夫不思十月之懷胎。三年之哺養。提挈以至於長大。雖粉身之報。未足云酬。故割股以療疾。原是父母之身。尋父投江。亦是老親之體。又如千古聖賢豪傑。孰不大節昭昭。虞舜耕歷山。周文問侍者。漢文嘗湯藥。閔損御車。仲由負米。光生青史。代不乏人也矣。參也用告世人。其孝則益勵其孝。不孝則速醒前非。改過以自新。同歸覺路。勿再悠悠懵懵。甘作不孝。爲賢者羞。

則參有厚望焉。

李凝陽仙師降壇詩

拖杖下雲矯若龍。南天門出趁春風。芒鞋拾緊穿雲徑。豪句高吟放塊胸。仙家之樂也如此自笑生涯塵宇混。爲援靈種法船攏。大呼日月穿行地。夢裏芸芸莫耳充。

又詠弟德詩

天和常保弟兄情。花萼樓邊雁序橫。莫聽妻言荊機悴。時驚釜泣豆其形。艾分宋祖應知效。被大姜家要體行。藹藹一堂棠棣詠。如何歡樂過浮生。

李凝陽仙師降八德之弟德文

竊聞兄弟如手足。有互相照顧之情。骨肉同胚胎。  
。早具連枝之義。宜矣相親相愛。克盡倫常。師  
乎行後行先。無愆古禮。如鵲鴿之在原。如秋鴻  
之比翮。任爾海枯石爛。不渝我同氣之情。隨他  
雨覆雲翻。克葆我本真之性。此姜家之有被。唐  
室之有樓。方能稱天地之完人。祖宗之肖子也矣。  
。能若斯。老大而情彌篤。上能慰白髮之歡心。  
少壯之愛常存。下可保綠荊之長茂。既有榮名於  
鄉黨。復有令聞於同儕。人何樂而不爲。是何棄  
而不作。看此日之怡怡。同賡棠棣。允他年之蟄  
蟄。茂衍孫枝。真人生之樂事。家庭之幸福。豈  
不懿歟。夫何末世以還。三期之候。人欲肆於顏  
風。同氣睽於陌路。自幼小卽識愛親情。宜兄宜  
弟。及長大乃視如秦越。爾盾我矛。骨肉見於閱

牆。枝理斬而斫斧。鶯聽葉底。家庭突作戰場。  
雁斷天邊。父母觀望不養。吁。真可痛也。真可  
悲也。不思吾體同生父母。胡今卽若寇讎。吾氣  
更本連枝。竟乃斷如荊樹。墜惡海之沉迷。快其  
猛省。垂訓言之歷數。勿再逡巡。嗚呼。萬里雲  
程。莫謂神仙多事。數聲暮鼓。原爲不弟之徒。  
寶鏡空懸。憑衆生之各照。赤心懷掬。苦老子之  
所爲。

張桓侯大帝降壇詩

浩氣塞天地。忠誠貫古今。  
蛇矛修丈八。魔鬼見寒心。  
言真慷慨激昂之至

張桓侯大帝降八德之忠德文

夫忠者。盡己之謂也。心無邪曲。正氣常存。其事君也。則殫誠效勞。其與人也。肺肝共見。此可云忠故孔子之教有忠恕也。苟此忠字一失。偽心則生。偽生則百邪俱入。寢至無君無父。五倫盡喪。則無所不爲者必矣。亦由不忠而致故孔子維持世道人心。以忠恕爲根本。良有自也。且夫忠信禮義爲天之柱。設此德離。禮義亦因而頽。則國維不張。家斜舛曲。放肆胡底。國也因之而滅亡者屢見矣。堪嘆不然。倘我忠誠一立。抱不屈不撓之精神。不淄不磷之志氣。遇國之治安。則皇猷是獻。盡瘁而後已。使天下之人。羣受其福。躋夫都兪之世。則可以無愧夫忠之一字也。庶幾其可不幸國土震驚。烽烟四起。萬民塗炭。君主憂心。則我也奮武殫勞。枕戈待旦。竭力輸

誠。披露忠肝義膽。誓必使黎元登於衽席。玉帛現而息干戈。解君國之憂愁。拯人民於水火。苟不幸則捐軀斷頭。碎骨粉身。方能無忝乎食祿之心。不爲過可報君恩於萬一也。孔子曰。事君能致其身。此之謂也。或謂今之君臣禮廢。何有於事君也。不然。長幼之序不可失。尊卑之位安可紊乎。今之在上者。則昔之君也。今之在下者。是以昔之臣也。然在下者。其不以忠事上可乎。是以此忠者。無古無今。尊卑貴賤皆一道也。能守始終不變。之死靡他。其光青史。壯山河。赫赫於人者必矣。吾帝芳流千古。名重人寰。皆有此而已。可怪今日世德澆漓。人心僞詐。臣不知其君。子不知其父。兄弟互相陷阱。朋友互相刀槍。夫婦頓離而成水火。皆不知此忠之道也矣。去忠

遠矣奉告世人。爲官者則知忠其上。爲平民者則信實無欺。與人則去心城府。接物則杜絕詭奸。遇事無不盡心。開心洞見。無違是訓則世皆無偽詐。躋乎古處。爲州里之善良。爲瑤母之肖子。則吾幸甚也矣。

又詠七律詩一首

錚錚大節鬼神欽。盡我真誠不愧心。  
世治佐君調鼎鼎。時焚輸國報腰金。  
白波擊楫追高躅。青史留名重古今。  
華國男兒遵我訓。忠邦誓阻外夷臨。

韓普濟仙師降壇詩

猶記題詩綠葉中。寒階春滿一團紅。  
欲醒白雪藍關馬。直顯紅雲員嶠翁。

玉管一枝傳萬世。金章幾字記千功。  
七仙共與芝蘭契。度世何時不熱衷。  
固所願也。

又詠信德詩

出言千里有從違。庶士應知德有歸。  
妄語不言遵美行。約音無負守惟期。  
看殘世態真誠抱。盡把吾言信摯依。  
蠻貊可行標節見。不從人欲論幾微。

韓普濟仙師降八德之信德文

夫以金石盟堅。芝蘭契臭。言必出而顧行。口必  
印而乃心。故膠漆相投。始終如一。可謂之信陽  
葵共向。永矢弗諼。言皆悃悞。道盡誠衷。此所  
貴有信也。胡何今世之人。五倫不講。八德闕如  
。諾無見重。閃灼多端。視寒盟爲無害。視言食

爲能幹。牛後不以爲羞。人心何有。雌黃乃云好  
辯。誠意毫無。或巧言令色。不計我行輪污。車  
笠盟拋。不想人言可畏。嗚呼。世風所以日下。  
道德所以陵夷。諾重千金。不效前賢渠行。江斯  
能涉。靡追哲士遺風。以故雞口之德無聞。滑頭  
之行屢見。撫景追思。按時細察。有道德人心者  
可不悲哉。且夫口有樞機。出語貴當慎重。言雖  
不能時時踐行。亦匪宜出語無根。世路等崎嶇。  
懍懍尚虞隕越。人情如烟電。兢兢猶恐貽羞。旨  
哉是言。況乃自爲不信乎。不觀車無輓而不行。蟲  
先鳴而不可。五更報曉。物類尚識踐時。應候齊  
來。燕子亦知春訊。何以人生世上。性靈獨厚。  
識理知非。乃僅此區區一信字不能守。真禽獸之  
不若也。罵得不錯。又況景仰前人。彰彰可仿。江

浸漸臺。妃子錚錚勁節。愧煞鬚眉雨飛夏畝。虞  
侯僕僕泥塗。他如豚沽示信。黍約無愆。孰不輝  
煌青史。流傳千古也哉。噫。信之於人。可謂重  
且大矣。人可不守之哉。吾奉玉皇訓爾皇靈。  
其不信者速敦乎信。其已信者長保無踰。將見信  
孚鄉黨。貞格魚豚。諾重鼎彝。行周蠻貊。人人  
皆崇古處。共仰宣尼。個個共化樸風。胥無噐者  
也矣。其勉之哉。其勉之哉。是所厚望

呂純陽祖師降壇詩

暖和氣候仲春深。下視山河花滿林。  
鳥弄清光饒道味。魚翻淵上有玄含。  
青疇雨足農揮耜。綠樹陰圍客撫琴。  
天然景色天然趣。領畧老仙神頓逸。

青蛇漫按下天心。

又詠禮德詩

天經地義本非輕。業業兢兢猶懼傾。  
胡可肆情跳禮圃。敢將法度廢長城。  
束身四勿師賢哲。待客三哺學聖明。  
自在無拘皆中道。後人月旦定論評。

呂純陽祖師降八德之禮德文

曲禮曰。毋不敬。孔子曰。一日克己復禮。天下  
歸仁焉。禮之義大矣哉。夫禮者。天理之節文。  
人事之儀則也。苟能秉此禮字。始終不怠。無一  
時之失。拳拳焉則聖賢之域可仰而及也。非難試  
觀古之聖賢。孰不兢兢於此。如孔子問禮老聃。  
聖賢尚以禮爲問其禮之重可知。如程朱深究禮法。

又如大樹之習禮。皆重禮之明證也。夫禮之見於  
行者又何哉。吾細道之。聽着爲今人法則。蓋以  
人倫言之。孝父母。敬兄長。信朋友。別夫婦。  
教子孫。皆禮也。以處世接物言之。不奸巧。不  
驕傲。不淫佚。不奢侈。愛己愛人。守法守律。  
亦皆禮也。是禮之於人。實不可須臾離也。無禮  
不可無禮不立。曲禮三千。其重且繁。勿以其繁而  
忽之。皆所以教人歸於禮也。噫。禮之於人。豈不  
重歟。奈何降及末世。天經不講。地義不遵。父  
子無恩義。夫妻言平等。甚至打破家庭束縛。仇  
孝言倡。拋去乾坤定位。創說公妻。禮也至此。  
真欲雲散烟消矣。不禮甚矣。此浩劫之所以釀成。  
有心道德者。孰不怒焉憂之。嗚呼。秉燭高風。  
景仰之。至於今何見。言不踰閬。蓋世無聞也矣。

可嘆且夫胡不遄死。國風有刺。馬牛襟裾。見笑乎人。不禮者可不懼哉。奉勸世人。敦吾倫。行八德。覺今是而昨非。洗盡前愆。納於軌物。還有救生前留美譽於人間。死後免受誅心鼠噬。自反思之其芸芸赤子。猛省之哉。猛省之哉。毋猶夢夢也。

仲由夫子降壇義德詩

持躬中度事無偏。跬步常師古聖賢。平日作為皆理合。臨時裁制始安然。浮名赫赫無心戀。大節錚錚有口傳。莫道非行誰我指。否臧仔細閱青篇。

仲由夫子降八德之義德文

吾夫子有言曰。不義之富貴。於我如浮雲。又曰。見利思義。此皆為財利之義不義而發也。噫。夫子之所言。皆因世人熏心於利祿。背此義者實多。欲救人心於當時。故言之累累也。言者雖諄諄恐聽者必藐藐。吾觀今日人心。比春秋時。利心更重。其背義更甚。其為士農工商也。無一不是利欲熏心。害義者其為利乎。見有貨財。不論自己之當取與否。偏要百計取之。如官之貪財賄。農之過糶貴糶。致累貧窮。工之器具苦窳。偏昂其價。上下交征利而國危矣。商之壟斷獨登。貪欲不厭。此皆為財之不義也。義然後取斯可也。然而義之見於人倫事理者又何如。吾且細言之。夫八德亦皆有義存焉。子能孝其父母以盡天職。義也。弟能敬其兄以尊天秩。義也。臣能忠其君盡力所

事。義也。朋友相交能盡其信。義也。人之於世。  
。應事接物。皆合乎禮。義也。士之爲官。能潔  
己身。不貪財賄。義也。至於恥也。常持法度。  
不諂不驕。義也。是此義之一字。持之則可以修  
身齊家治國。推之則氣可薄雲天。壯山河。光千  
古。上而動雷霆。下而感禽獸。皆此義也。天皇  
曾用此義吁。義之於人。豈不大哉。苟或不然。  
多行不義。廢禮教。尚自由。無父無君。公妻共  
產。上而怨天。下而尤人。不義極矣。久而不知  
返。愈肆愈兇。其不自斃者。未之有也。由也臨  
鸞。奉告世人。其於財之不義者。改之義焉。後取  
。人不厭其取其於事之不義者。改之。行心之所安  
而合乎義。則生而受享令名。芳流後代。死而成  
仙成佛。自在上天。又豈不勝於其行不義者遺臭

萬年。令人唾罵。辱祖宗。羞父母。相去奚啻萬萬也哉。世人其猛省歟。世人其猛省歟。

### 張三峰祖師降

詠廉德詩

廉隅砥礪比圭璋。半點塵污不我傷。  
一介無私秦鏡朗。十方共仰漢蟾光。  
漫云金受人何覺。須警財貪天報彰。  
寄語世人存潔白。貪泉遠去住廉鄉。

### 張三峰祖師降八德文之廉德文

竊聞清白持躬。傳四知之楊震。雪冰勵志。辭九百之原思。他如琴鶴相隨於異地。錦鱗懸掛於高樑。此皆前哲先賢。能以廉隅自礪者也。兩袖清

風故廉者實爲人生之至寶。能操而不失者。則今古名傳。拋而棄之者。則污留屢代。人其可不擇諸諦審且夫聚斂盜臣。原棄於聖教。貪污賊子。見戮於齊侯。人也何心。不加自警。竟有貪官污吏。納賄公然。奸賈莠民。棄廉屢見。寢至上好下甚。草偃風行。見財白而心黑。背道義而驅馳。所以釀成此日之空前浩劫。真足爲世人之痛哭也。真是令人握腕嗚呼。李下何尋仲子。道旁不見許衡也矣。又況夫廉之一字。係乎國之治亂。廉之一字。亦係乎國之弱強。其舉國盡是貪官。則下民思亂矣。其國盡是污吏。則國元損而弱矣。爲國者應醒其治亂強弱。皆廉與否分之。不觀外夷之爲政。爲官者則有豐祿以養廉。貪污者少。覲。厥至治強。我國之爲官者。乃俸不足以養廉。

。故梟鷲之徒。大肆狼貪。削民膏而吸民血。虎視眈眈。致使貪風遍地。民不聊生。天下大亂。知乎被外夷乘虛肆虐。乃有今日中日戰爭。殺人盈城。殺人盈野。未非不是因此而致之也。然而欲挽今日之劫數。其於廉又豈可少緩乎哉。急急提倡奉誠中國之四萬萬生民。在上在下者。其急掬西江之水。滌爾貪腸。持太阿之劍。破爾財關。則人人皆居廉讓。箇箇共效清操。則行見道不拾遺。金而能擲。太平之風。可拭目而俟也矣。天下大同

又降戒奢歌

世慾熏人易侈奢。江河就下實堪嗟。  
食過何曾錢十倍。衣追石季更奢華。  
樓臺千仞星堪摘。揮霍金銀漫擬沙。

嗟嗟郭況亦應貧。何乃家家本婁人。  
試看街頭行乞輩。回思亦是綺羅身。  
滿來必損循環理。可不兢兢學樸純。  
茅茨大禹亦無改。華美衣冠爲祭神。  
漫言儉樸體難章。從古奢華有甚傷。  
唐世儘多節儉士。自豐胡不誚汾陽。  
君不見昏紂肉林與酒池。牛飲三千任性娛。

轉瞬身裂鹿臺上。千古唾罵否知之。  
今時促爾自爲醒。從奢入儉守真如。  
莫使到頭金盡日。呼庚呼癸被人嗤。  
況今浩劫灼眉來。施爾錢財豈不該。  
功播人間天爵賞。收圓亦得坐蓮臺。  
鄙俚卅言訓靈種。仰體吾心勉勗哉。

又詠七絕詩一首

日行大陸午當中。萬里山河一望同。  
垂訓雲霞時久立。跨鸞歸去上天宮。  
同歸矣。吾務完矣吾。

### 文昌帝君降壇詩

詠恥德詩

恥德何人不具焉。良知能否景前賢。  
果然慚德皆捐棄。佇聽佳譽共播傳。  
異服異言羞近體。一心一德志參禪。  
濁流獨自標高節。七德皆敦總自然。

### 文昌帝君降八德之恥德文

夫恥者。人人本性皆具焉。在乎其能發不發耳。  
倘使真性爲人欲所蔽。智慙日離。則其羞恥之心。

斷喪必矣。恥心一喪。放僻邪侈。胡作胡爲。羞  
祖宗辱父母。亦必恬然安之。是故恥之一字。何  
人不能缺也。噫。恥豈不重歟。遠溯唐虞之世。  
人皆古樸。相習成風。故其尚愚敦庸者。則闢四  
門之穆穆。皆循於正道。毫無可恥之事焉。良知  
尚在下如鑿井耕田。樵夫牧子。亦知此恥之重。  
故堯舜垂拱而臻邕治。皆人人尚禮知恥有以致之  
也。降及春秋戰國之時。則人心放肆。弑君弑父  
。亦不以爲恥者有之。漸昧却良知桑間濮上之行  
。亦不以爲恥者有之。無恥孰甚當時亦恬不爲怪  
。真可浩嘆也。後賴有國風之刺。維持世道人心  
。此孔子之所以認生也。又自戰國以迄於今。則  
恥更蕩然無存矣。環顧左右。茫茫九州。其孰有  
提倡此恥爲何物也哉。如在上者。則貪婪無厭。

倡率廢禮。效夷狄之衣冠。尚詡詡自得。今日被  
侵。明日被陵。則曰國恥。尚作無恥之言不思己  
尚不恥於身。何有於國家也哉。至下者。亦相效  
成風。言自由平等。言戀愛公妻。是何言歟衣冠  
淪於禽獸。言戀更覺支離。幾不知羞恥爲何事。  
羞恥爲何物。將淪於禽獸真可痛哭流涕長太息也  
。更何人出而正之者哉。今吾奉玉皇命。勸爾  
世人。速維持綱常名教。速去敗德以從古禮。以  
聖賢爲模範。以惡類爲鍼砭。則皆知有此恥之一  
字。吾幸甚矣。世之無恥者勉之

又詠七律詩一首

訓文倏爾降沙箋。奉勸迷人速醒焉。  
立德立功光祖考。恥人恥己效先賢。  
三期浩劫安超過。滿世同風始見前。

道不拾遺耕讓畔。  
熙熙夏甸樂陶然。

仙  
搓  
寶  
筏

呂祖師降示

聖地開祥展善功  
道傳喉舌要圓通

得人卽在驪黃外  
桓德應知玄妙中

利物濟他無二志  
超塵脫俗便相同

從此啓端承先後  
不教途半有迷矇

李凝陽仙師降示

俗世神仙境  
鍾靈是此樓  
白雲深處去

綠水自然流  
幾度留鴻爪  
一聲歸雁秋

四圍山色抱  
萬壑盡低頭

南極仙翁降示

善承師命立奇勳  
抱道堂名遠達聞

祿籍功曹曾註上  
壽能添算福加增

孫真人題示

功果原來有宿因

壺中日月證前盟

會合機緣難勉強

點破癡迷一濯新

呂祖師題示

大雲會食動天樞

善果同堂法不殊

闡教方方吾抱願

重振壇風喜慰余

張果老仙師題示

紆迴一水作鉗形

疊案爲欄氣勢英

好是青龍關不洩

鍾靈一聚到龍城

張三峰祖師題示

環樓山水繞明堂  
成就莊嚴抱道場  
善信芸芸桃李衆  
可知先兆有光昌

韓 曹 李 呂 祖 師 聯 詠

風吹翠竹弄簫聲  
敲殘雲板徹頑冥  
惟把折壺懸世問  
劍氣豪芒動至清

南 屏 古 佛 題 示

秋痕幾點繞南樓  
惹盡鄉思春復秋  
兩鬢青霜留不住  
得到潛修勿逗留

柳 真 君 題 示

醍壺灌頂躍金科  
鉛汞相投煉補媧  
丹精非白非青色  
一日飛昇證大羅

何仙姑仙師訓示

一葉青荷異樣香  
閨裏當年是道場

悟到色空離苦海  
透參玄妙返仙鄉

張三峰祖師訓示

善舉無須畏起難  
存心博愛莫閒閒

衆擎山重都能舉  
合力齊撐可過灘

呂祖師訓示

心猿定處生玄妙  
意馬鬆弛入網迷

修道應從初曉日  
莫教遲暮到斜暉

張祖師訓示

道猶道路有其徑 初乘循進修性命  
善根只可培道根 普渡功深方軌正

黃赤松仙師訓示

跳出是非門 打開生死路 奪他造化工  
不入循環數 及早自思量 當初毋草草  
立定我腳跟 堅穩修持步 成此一世身  
莫待無常到

南海普陀紫竹林觀音大士

二訓示  
十月十九日  
觀音誕

三藐菩提果。回向衆生中。願同早證覺。  
佛性醒愚矇。彌陀四八願。渡盡衆生歸。  
我得此宏願。力願盡施爲。衆生遺未渡。

誓不願成佛。已泛慈航槎。一切皆超拔。  
堪嗟衆羣迷。始終未渡得。如此其難哉。  
吾無成佛日。一片悲憫心。誓無退轉時。  
用我菩提心。終有菩提果。衆生不愚昧。  
皆大悟無生。

### 白玉蟾仙師訓示

蟾也少讀詩書。壯磨于莫。交遊方外。結納黃冠。  
。自以爲耽酣內典。妙悟三乘。詎道未獲法門。  
真詮勿解。無他。不得真師。如入山陰道上。費  
時既久。道法難聞。及緣會吾師。驪珠始探。然  
後解得道門真諦。定有不二法門。修道雖令紛繁  
。修路終同一徑。蓋同源三教。本無各有紛歧。  
及後緇雜沓。門戶乃分。誤我誤人。爲後來修法

者。如丈八金剛。反不明修徑。良堪浩嘆也。

白玉蟾仙師訓示

學仙學佛此一心  
先平意氣免魔侵  
塵緣屏息二六斷  
煉證菩提不壞身

呂祖師訓示

聞道于今覺世非  
早把塵緣割斷離  
多立外功培內果  
天梯可步勿云奇

又示

神仙緣是好清閑  
世道沉淪劫重山  
鸞壇遍設如舟濟  
拋却清閑也尋煩

又示

未來世事果誰知  
理想分明數不移

四野狼烟悲象伏  
先機常說醒迷癡

又示

用盡機謀似一蜂  
飛南飛北又西東  
採得百花成蜜後  
任他宰釀一場空

又示

長歌短曲樂悠悠  
學道心猿意馬收  
牢牢靜固天根性  
結媁陰陽證仙儔  
大道默默無誇耀  
魑魅幻術出風頭  
紅日當中霜雪滅  
乾坤正氣萬古根

### 呂祖師訓示

道本無名。惟必要由人道。而後可言天道。無人道。則無天道可言。此是萬古不易之理。前聖先賢。必循乎人道。而後出世求道。若不循人道。

其道更無可名也。

呂祖師訓示

子等志氣。要學清高而生慧。毋沉迷於流濁。自然萬慮消除。明心見性。天君泰然。常住樂境。各宜靜參其妙可也。

呂祖師訓示

吾歷訓汝們。從孝善立基礎。是恐子等心存不堅。學道更不可求奇異。奇異非道。定為邪戲。吾前示非道則退。乃是猛喝一聲。子等可三思之。

呂祖師訓示

吾歷劫救民。現丈六身。時而顯化。宏願未償。

夫道本中庸。慈和便能納祐。學道先求心無執着。苟能無執着。天君晏然。浩然之氣。現於面。達於四體。充乎宇宙。如此六賊可驅。識神可斬。貪瞋痴捐除。自然天性常存。仁風義德。涵養一切。道之至也。

### 呂祖師訓示

諸子論道。先求心理貫通。理從道妙。妙入心通。丹煉黃房。通心駐氣。氣駐精堅。精堅神足。神足靈光觸物。自然萬物在前。知來悟去。子等須當掃淨煩惱。默坐片時。身心如如。識神去。妄念消。如此如此。靜坐自如。百脉流通。但收攝玄關。須用目而注於心。心達於丹田。此時呼吸無粗。能駐半刻。功夫得入手矣。

李青蓮仙師訓示

陰隲爲懷 無愧於道 紅光輝現 神鬼皆欽

舉頭三尺 鑒察毫分 莫謂天高 有作不聞

呂祖師感慨題示

百六禁烟寒食節 遊魂遍野倍酸辛

可憐荒塚壘壘裏 皆是生前未度人

呂祖師題示

如我多情衆莫京 漫云太上是忘情

誰知此點真情種 無限真情在衆生

呂祖師題示

天涯海角人覓我 苦海駭濤我覓人  
千呼萬喚都無覺 利慾昏迷性失真

李青蓮仙師訓示

和氣平肝壓慾焚 養氣純乾體本真  
煉氣精強魄自在 葆育自能壽長春

鍾離太祖師訓示

存誠去偽。自現天真。此八字汝諸子須常佩記

李青蓮仙師訓示

非關才藻露鋒華 有價文章不算誇

三調清平題御苑 一封蠻詔靖胡笳

遊窮大塊鍾靈地 飲遍長安賣酒家

一覺紅塵成萬古  
謫仙隨月泛歸槎

呂純陽祖師題示

果證天人總有因  
融融師弟兩情殷

夠根桃李栽蓬島  
山水蓮花脫俗塵

抱道號堂應集體  
顧名思義好修身

回頭有岸休迷惘  
且看龍華會上人

又示

知抱道。已是識修行。  
長得善根培佛果。  
楊枝甘

露洒輕輕。從此悟無生。

惠能老僧題

渾無住處卽禪心  
不着言詮有妙音

解得大乘真諦義  
禪機默會好追尋

大勢至菩薩訓示

顛倒爲緣妄起因 禪心飛絮易沾塵

靈台自照清如月 現出如來自在身

普陀禪院觀世音菩薩訓示

楊枝水。洒向軟紅塵。灌頂醍醐生佛性。蓮池海  
會證斯人。同樂度迷津。

太上道祖訓示

垂目趺跏一刹那 不道人間經幾劫  
弗覺蓬萊日月長 塵海茫茫多造業

大願地藏王菩薩降示 偶過一訪貴壇感而言之耳

渡人容易。渡鬼技窮。人間尚有知聞道。地府真  
如瞶且聾。人身失去。欲返無踪。黃河三碗無情  
水。真性全非入夢中。悽悽慘慘。欲歸無路。苦  
重重。貧僧雖發願。地獄曾無一日空。孟蘭勝會  
。超幽度鬼。羣仙佛子演神通。但求借得空王法  
。點點楊枝洒大同。

呂祖師訓示

嗟彼人身應劫消。遊魂渺渺太無聊。  
迷離惘昧歸歧路。千千萬萬只徘徊。  
孟蘭勝會行將屆。魂魄無依發慘哀。  
超幽責任阿誰負。道門不度倩誰來。  
莫云數夕壇經設。功德無邊亦大哉。  
抱着志誠同禮懺。懷疑兒戲莫登台。

功德各人修各得  
參加禮懺貴真材

純陽子賀詞  
四月初九恭賀張三峰祖師誕

道傳後起秀三峰  
直上焚天覲九重

志氣清高辭兩詔  
襟期雅淡賤三公

透參玄妙隨雲鶴  
心法真詮拜火龍

祝汝千秋無極壽  
長叨天祿有殊封

### 張三峰祖師題

昔年今日謫塵寰  
打出娑婆萬劫關

盜得長生天地秘  
卽身何幸證仙班

呂岩敬祝  
四月十五日恭祝鍾離太祖師誕

久叨呬教授心聲  
澈悟玄機感玉成

聖壽無疆何待祝  
願求法雨沐蒼生

張三峰恭祝

仙曹前輩久推鍾  
闡道終南景仰同  
慚我蓬萊倍末座  
有幸桃筵歲歲逢

鍾離太祖師題

年年此日例添籌  
八洞優遊樂未休  
久駐蓬萊無甲子  
不知人世幾春秋

張三峰祖師題  
五月十一日劉雲峰仙師誕

取坎填離超卓修  
丹成大道豈無由  
峨眉獨隱逃禪去  
釋道連宗品志優

呂祖師題

跋俗超塵第一人  
自是蓬萊果證真  
壽可齊天何待祝  
道芽特秀有誰人

劉雲峰仙師題

任教滄海又桑田  
不管人間歲月遷  
野鶴閑雲無着處  
依稀證果記當年

關少帝降示  
五月十三日賀關少帝誕

取義成仁報父侯  
秉承庭訓志春秋  
任從漢室山河改  
浩氣長存貫九州

晚呂純陽張三峰率抱道堂道侶等敬祝聖壽無疆  
名標三國忠孝一門氣貫乾坤光昭日月

庇民護國 解劫消災 德在蒼生 功施社稷  
大仁大義 大聖大慈 千百年聖跡 猶存 億萬家  
生民敬仰

呂純陽敬頌

忠肝義胆久推公 天上人間衆譽同  
蓬島何人不景仰 三山神佛挹英風

呂祖師題示 六月初九日賀陶真君誕

傑出真人何代無 只愁不用道工夫  
師門有鏡應當借 且看明朝陶上芙

白玉蟾仙師題

仙鄉不住住何鄉 蓬島逍遙日月長

慧眼觀空塵世界  
白雲蒼狗幾滄桑

上芙謹題

回頭皆彼岸  
一覺漫踟躕  
悟澈三乘法  
讀殘萬卷書  
曾經同祭獮  
敲磬响紅魚  
櫻得長生訣  
飛昇上玉虛

鍾離太祖師訓示（賜壽）元月初九夕賀玉帝寶誕

求木之長。必固其本。欲流之遠。必浚其源。思  
道德之弘。而望善功之厚。其惟假以時日。俾其  
積善累功。成其正覺。啓後開前者乎。而浮生有  
限。歲月催人。七十已云稀古。至於耄耋期頤。  
則是鳳毛麟角。是以吾於  
玉帝上壽之辰。躬臨金闕。秉至誠愛道之虔。上

陳叩請。奏准施行。或賜壽二十年。或晉增一紀。以便門下弟子。暨其愛道人士。善女信男。得此優遊歲月。康健年光。闡道普渡。尤能日積一功。月增三十。然後功德滿完。逍遙含笑。或列蓬瀛之座。或生極樂之鄉。但增壽久暫。仍視其道德如何。善功多寡。由南極星君主持賞罰。如是福德因緣。得未曾有也。願諸子其勉之。

呂祖師到吟云

人比當年杜牧時。形骸放浪豈云癡。  
如君飄泊多奇數。似我襟期少俗知。  
道德淪沉真理廢。世情顛倒太阿持。  
及時行樂惟詩酒。且下牢愁入句詞。

濟祖師示云。叩問山東神童江希張歷史。查亡清光緒末葉之時。緣因離恨天兜率宮。看護八卦煉丹爐之道童。適王母壽期。老君例當赴會。乃屆期因事未克。卽往。王母命五仙女到邀。仙女過丹爐之側。該道童妄思凡念。老君乃以兜率宮爲無上仙境。豈容或有思凡。遂命力士押解該童。令元始發落。元始遂着其貶下紅塵。俾歸人道。責令宣揚道教。元始以世人多闢道崇耶。異端橫議。欺惑愚蒙。故令其將道教正宗。及闡奧真玄。傳諸當世。庶挽邪風。俾世間善男信女。畧知真理。勸善元元。庶少減罪惡。將來該童亦可將功贖罪。三十年後。定返仙班。非因治亂世而生也。

鍾護法云 叩問洪秀全來歷  
洪秀全。乃天罡星也。當時以匹夫崛起草萊。而  
淹有山河半壁。卒不能成大業者。非關於封王過  
多。實緣殘暴失民之過。得民者昌。失民者亡。  
此之謂也。查其不特不能成大事。且更觸怒上天  
。玉帝以其縱兵殃民。草菅人命。罰押酆都三百  
年。至今尚在地獄受苦。吁。仁暴之懸殊。又奚  
啻天壤哉。

### 大聖祖師訓曰

心正無私利。身正無惡行。耳正無聽淫聲。眼正  
不視邪色。口正不談人是非。舌正不弄讒諂之言  
。此數句汝等守之。牢牢謹記。方爲我徒也。不  
多囑。我去尋老濟共酌。

桃佛祖師示云 叩問程登公歷史

伊本浙西一介士。宦遊瓊海依蓮幕。

哀哉不幸喪江濱。兩袖清風宦囊薄。

祖宗積德且壘功。伊亦善慈無惡作。

如何慘去葬龍宮。厥因厥果前生獲。

上帝垂憐彼迹艱。勅令渠爲土地神。

任往廣東瓊海口。不教建廟附其身。

免其擾于萬民拜。俾得清淨自修真。

他竟不肯位素餐。更能負責保瓊民。

一片婆心感上天。守斯土地待有緣。

前因已種非一日。後果應知種在先。

倘或偷閒竽若濫。斷難今日得逢仙。

道根雖有本于善。不善有根道不傳。

追隨佛仙福亦多。成佛成仙必經過。  
倘若程登堅向志。他年正果入大羅。  
丹成九轉歸玄妙。不滅金身魂不磨。  
縱無緣去拜如來。也列仙班何快哉。  
程與萬兮兩土地。慎之慎之無自隳。

萬公答云 叩萬世歷史可得聞否  
大明崇貞年間。曾任粵西容縣知事。旋因寇至。  
赴東粵請救時。明叛將尚耿兩賊寇粵。吾不屈遂  
殉難焉。自慚國亡莫救故宮。禾黍言之不覺潛然  
心痛也。請勿多問令我傷感。

程土地到云  
詩一章似古詩體 程萬各四句。順口吟來

不計工拙 諸君得毋笑我乎

萬句 見性明心却六邪。人生如夢是非耶。

浮雲過眼比富貴。閱盡世情實可嗟。

碌碌忙忙緣底事。爭名奪利究何如。

圖得高官厚祿歸。冰山雖大終難持。

萬句 無拘無束自逍遙。有財有勢轉蕭條。

到頭之禍因權重。財寶原爲種禍苗。

程句 姍女嬌娃甘作妾。種得歡苗生愛葉。

無端情海忽風波。怨女歎兒終永別。

萬句 何如我等道門中。空空色色空空。

六根清淨除煩惱。自在優游入化工。

程句 看來無我復無他。不管誰錯復誰差。

一身來去赤條條。雲遊四海天地家。

萬公談入定所見景象

連夜入定。所見甚多。彷彿間。陡見故妻羅氏。故妾麥巧雲。孃孃弄嬌。其狎褻不堪名狀。吾堅定心性。忽然失所在矣。今夕又見前明同僚。倉皇奔至。謂京師已陷。現保帝出奔。車駕已在前方。轉瞬間。黃羅傘蓋內一帝王。面有菜色。同僚云。此卽崇禎也。余不禁一時動故主之念。幾欲號泣。忽又見耿尚兩賊追至。余正奮雄心。欲上馬殺賊。轉念之。幻境耳。既入道門。而應不理紅塵。雖君臣大義。亦當不論。彼賊自有惡貫滿盈之日。知之者不憤然。我又何必妄開剎戒哉。正想念至此。忽然心明慾淨。眼底一無所有。概凡修道者。道心不定。修志未堅。彼邪念乘虛而入。六賊弄迷。七情紛擾。智生祈慎乎哉。

濟師指示云

穿腸毒藥酒爲先。獨我飲之甘且甜。莫學顛僧終日醉。要學我婆心一片大道傳。修行總是由心發。須知向道志惟堅。不拘戒行清同濁。個中用意。在完全。若令心猿意馬如麻亂。如此安能遇有緣。無徑如何登彼岸。縱令持齋念佛萬千年。惡念一萌。功果廢。善念一動。可爲仙。汝須謹記。

濟祖師到吟云

憶降紅塵六十年。人間謫去亦前緣。心如頑石天難補。身似冤禽海未填。富貴功名頻到逼。心頭腦海幸能堅。當時一念真差間。參透玄機返本原。

濟公師傅到吟云  
媽紅姹紫皆憔悴。飛落紛紛如敗絮。  
若將人事比名花。黃梁一夢同歸去。  
十九春光瞬卽過。水綠山青能有幾。  
人生名利似春光。真若風馳同電掣。

呂祖師示云

道門似海。雨露無私。俗緣差一念。苦海又重罹。  
。蘭因絮果。。今是前非。屠刀快放下。許爾證菩提。  
。前因悞却。再造功夫。空空色色。一切空無。  
。前番參未透。今世悟緣無。頂禮參吾佛。合十  
拜文殊。授爾靈機性。彼岸在前途。歸吾門下。  
法號智孤。不遵吾訓。枉爾心勞。彼岸孽海。一

間知乎。

呂祖師到諭各弟子一念要正

仙人到處可爲家  
萬念何曾一念差  
參透玄機尤小事  
守身還似玉無瑕

韓普濟仙師降訓示

看破紅塵去學仙  
嬌妻舍去免牽纏  
寒衣夜賜情無限  
我把紅顏轉道緣  
玉簫吹徹喚原人  
名利拋開脫俗塵  
共宴蟠桃時已至  
收圓迫近好修身

又唱歌一篇

吹玉管。喚殘零。收圓在卽我無停。舌敝脣焦均  
不計。專求塵世變爲清。吹一句。唱一聲。殘零

洗耳可靜聆。勿戀榮華草頭露。勤修善果放生靈。  
。吹一句。行一程。修羅造惡甚無情。不遵瑤母  
前吩咐。亂作亂爲把道傾。吹一句。唱一聲。癡  
男癡女可速醒。四德三從要常講。前非改去可安  
寧。細把女箴來玩味。侍姑盡道守家庭。勸世短  
歌降在此。望各早早達雲程。勿視無稽作小覷。  
屈時追悔也難贏。

韓普濟仙師降訓示 調寄畫堂春

蟠桃齊熟待原人。善惡此時分。殘零不慎。迷途  
誤入。卽墮沉淪。一失足成千古恨。仙佛不施恩。  
。回頭猛醒。尋求大道。可脫紅塵。  
。又詠七絕詩一首  
冒雨臨壇不畏難。吾肩重任責攸關。

仙衣濕透今無惜。爲把殘零度轉還。

李凝陽仙師降訓示

午刻鸞臺今又開。老夫豫暇跨鸞來。  
諸生勉力勞無懼。佛子慈心文欲裁。  
水泡繁華須看破。丹砂妙藥任時栽。  
蟠桃瑤圃紅經熟。未摘因爲子未回。

勸士詩

四民居首果爲誰。自勵應知賢聖期。  
學博中西原內事。德追洙泗要兢持。  
勿因夷化如風草。致使邦華若腐枝。  
興我神州歸郅治。綱常國粹是君師。

勸農詩

披風沐雨實勞哉。衣是青蓑笠是臺。

春耨夏耘無怠惰。秋登冬貯喜徘徊。  
忘來帝力欣何似。克盡人倫勿異猜。  
本分常安君記取。他年佇看太平開。

勸工詩

離臨器具日文明。貪利休將淫巧營。  
製造用心師古俗。作為著意學倕成。  
殺人武器何須效。利物吾心自究精。  
苦窳從今皆不有。四民叢裏溢佳名。

勸商詩

信實存心不可欺。營謀本分勿胡思。  
市廛接物惟忠厚。闐闐風高共播施。  
財見當前衡否義。貨來此日漫居奇。  
倘教任意愚童叟。三尺應思便有知。

勸兵詩

態罷此日滿家邦。祇爲黎民作大防。  
漫挾強梁陵庶士。應殫忠悃効沙場。  
驅夷共效嫖姚勇。洗恥齊看華夏光。  
勿作奸徒將國辱。致令外寇日窺疆。

李凝陽仙師降訓示調寄西江月

天上一鈎新月。壇中幾點明燈。  
葫蘆竹杖任遨遊。  
欲把殘零度盡。仙之願大概如此。  
屢勸人猶未醒。  
奈何心懷痴慾貪嗔。久染紅塵物欲昏。  
致使家鄉難認。  
值此三期普度。人還不早修真。  
斯時誦坐若無勤。  
錯過時機休恨。恨你無法秘訣真。  
言洩盡。須知天帝殊恩。  
收圓惟願助然燈。  
庶免娘親盼望。

柳元陽帝君降訓示

世間碌碌事繁繁。插足風塵名利間。  
痛改前非離苦海。洗除習染上蓬山。  
最宜學道尋緣結。勿被魔纏與利爭。  
內外工夫無間斷。修真容易大丹還。  
捨財煉汞

柳元陽帝君降夢覺歌

潮音滾滾漫神州。多少蒼生死裏遊。  
蠅兮逐臭。如羅兮自投。網常歷亂不知求。  
公妻罔識羞。可殺朝遊楚館暮秦樓。  
自由。無禮之至無拘束。無所愁。夢夢紅塵裏。  
恰如蜂蝶度春秋。性與禽何別無常一到方知錯。  
嗟自怨恨難酬。悔遲了嗟嗟可奈夢無覺。  
真涕淚流。我亦憐之今速醒。上仙舟。大道追求。

覓道儔。可快收圓卽趕。勿再勾留。金丹九轉。  
直上蓬洲。修道之功餐交梨。食仙榴。夜永舉觴  
邀明月。塵視千金萬戶侯。俗塵於我何加

呂純陽祖師降訓示

浩劫降頻頻。還不修身。諸仙列聖苦忙奔。爲度  
殘靈登覺岸。出此迷津。堪嘆衆靈根。利重心昏  
。昧却前因失本真。化度再三猶未醒。定必沉淪  
。

又詠七律詩一首

翩翩騎鶴下蓬州。大地山河一目收。  
劫危三期人實苦。道傳四極佛擔憂。  
花殘逐水春將盡。雨降漫原湫不流。  
憫世悲天吾又至。紅塵擾擾亦常留。

張果老仙師降訓示

倒誇驢子破雲來。一到壇前心便開。  
濟濟諸生排鵷序。絲絲烟篆起爐灰。  
臨頭怕見諸天劫。救世寧辭詩句裁。  
朝露人生君記取。靈丹快覓勿疑猜。  
吾觀世人之沉迷者。大半墮入四魔之陣中。今作  
詩四首以勸之。

勸戒酒詩

酒造原爲嘉會歡。豈宜多飲失瞻觀。  
酒沉庶士身難保。縱肆君王佞必攢。  
遠去且師神禹戒。飲來時警灌夫狂。  
勿言聊學神仙醉。禍到應知不忍看。

勸戒色詩

色誤羣生害最深。殺身絕嗣見嚴森。  
傾城傾國原蛇蝎。如玉如花禍古今。  
自愛身名須痛戒。欲昌孫子更休沉。  
勸君細閱千秋事。多少循環報應臨。  
勸戒財詩  
財寶當前要辨明。衡他義否始堪稱。  
千金非我休婪取。三戒存心煉老成。  
儻使見財如鳥逐。立教一命等螻輕。  
勸君慧劍高懸起。破爾迷關存性誠。  
勸戒氣詩  
氣憤須知不計身。參詳方可漫施人。  
少年最要長存戒。無事尤須莫亂嗔。  
今古幾多爲氣死。書篇庶可看條陳。  
謙謙勸作高君子。保我佳譽示後人。

李靖大仙降訓示

詠七律詩二首

看盡榮華作道人。閒雲流水武陵春。

錦衣肥馬人空羨。秋月春花客過頻。

有寶要須鹿臺散。學仙好與鶴山親。

把書南閣軒高臥。是個羲皇以上人。

榮華富貴等輕塵。寄世渾如草暫親。

彈指忽忽壯而老。獻身汲汲飛欲騰。

縱然幸得腰金帶。也是徒然寄肉身。

倘又一朝刀斧至。始知悔與帝王鄰。

又詠古體詩一章

說到今時世界來。洪流混混萬民哀。

政治苛如南山虎。絃劍不漏網密哉。  
土木路道等長城。五千萬人築不成。  
誰道東南民力困。只知膏血欲吞鯨。  
鼎沸中原猶不知。金勒遊春任騁馳。  
芳草餓殍若靡見。夜來又挽玉樓姝。  
薔薇露重日三竿。猶未躬親政牘看。  
酖毒晏安常熟視。推枯國勢日頽唐。  
東起蠻夷北起赤。乃欲隻手破天荒。  
真是六萬年劫數。認此天魔害萬方。  
此日黎民水火邊。猶不自知自責焉。  
掩時雖微減雜稅。其如車薪杯水濺。  
普告吾道原人衆。避秦可快學神仙。  
立定脚跟堅不移。太平自有舜堯時。  
垂筆仙言不是謬。早經有象萬人知。

劉海蟾大仙樂道歌

江河曲曲彎彎。流水響潺潺。銀橋板。靜坐閒。  
不理滄桑變。不與世務爭。善養吾靈性。修我天  
金丹。有時飛蓬島。有時唱調還。修真樂。勿辭  
難。煉就金丹脫俗間。超昇了世。不到鬼門關。  
共飲玉液食仙餐。

李凝陽仙師降訓示

三期普度近收圓。桃熟在瑤天。殘零今可趁奇緣。  
。勿走歧偏。所有貪嗔癡愛。快棄大海江邊。回  
頭禮佛補前愆。勿再如前。

藍采和仙師降訓示

詞降沙箋警世人。殘零趁早好歸根。  
臨頭浩劫何無怕。善果加修免墮淪。  
又唱醒世歌  
二月花滿洛陽城。踏歌仙子笑盈盈。  
勸爾世人急爲善。方便門開見太平。  
一個好心存腔子。報答天地生與成。  
勸爾世人急修道。銀城璀璨照眼明。  
他日蟠桃成熟候。羣真玉殿笑語傾。  
勸爾世人莫慕貴。繁華瞬卽海田更。  
烏帽錦袍雲烟若。春樹紅顏過眼經。  
勸爾世人勿作惡。閻羅地獄目前生。  
莫道爲善亦已矣。請看今古報應精。  
勸爾世人居上者。官風好整莫貪橫。  
民血民脂難饜欲。爲同胞想想親情。

今日大羅天上客。塵凡降下救殘零。  
苦口焦脣勸爾輩。回頭猛覺奮鵬程。  
書汝紳兮常繫念。作個完人鷗鷺盟。

又詠七絕詩一首

兩兩仙真駐白雲。浩歌醒世摯真文。  
箴規否比東林偈。曉磬悠傳妙入神。

李凝陽仙師降訓示

黑髯鬚鬚似巧人。惟有丹爐繫我身。  
救苦尋聲名顯赫。拐蘆無處不聲聞。  
春月輝光照大千。奔走救世今天仙。  
癡迷覺醒兮勿夢。修身證果上蓬巔。  
時無久。勿流連。趕快修身上法船。  
莫待無常來到。悔不了前愆。追之莫及悔之晚矣。

呂純陽祖師降訓示

負劍凌風笑口開。  
。 旻辭瑤闕降蕪菜。  
。 慈心在抱應誰識。  
。 赤子常援下世來。  
。 今夕爲降文到也。  
。 他時待看訓行哉。  
。 千年僕僕無寧日。  
。 自笑何時不顯才。  
。

張三峰祖師降訓示

今夕思壇恰正開。  
。 哈哈負笠下蓬萊。  
。 滿天烟雨江村晚。  
。 兩袖雲霞碧落來。  
。 途遇仙朋真快也。  
。 鸞臨諸子亦欣哉。  
。 訓言且降醒迷客。  
。 勿視顛仙沒俊才。  
。

南屏古佛降示  
調寄江字子

光頭和尚瘋。下界喚癡聾。破衲無縫不畏冬。真是顛公。惟有苦口叫。繫敲覺晨鐘。故且奔走塵寰中。雖瘋不瘋。

又降詞一闋 調寄一剪梅

余因救世扮瘋癲。非是真癲非是狂仙。乃是名禪。簡言之曰佛麻鞋踏破願難填。破衲輕年。未曾換穿。勞矣漫天浩劫在眉前。胡爾殘原。不醒癡眠與幕燕釜魚何異令吾晝夕常堪憐。降此箴言。作度人船。速上來

### 南屏古佛降樂道歌

哈哈笑。笑世人。忘禮義。廢五倫。劫網臨頭還未醒。道傳俗世有原因。貪嗔愛。是你親。借假修真何不問。清心乃是修仙徑。養性還丹是佛真

張果老仙師降訓示 調寄醒塵禪

。 修羅亂。亂塵寰。殺氣結漫漫。蔽得烈日無光發。  
。 真是孽障塞天間。大道光芒已現。齊煉真空勿  
婪。可補澄清宇宙。清却濁瘟上攀。

又詠七絕詩一首

烏烟蔽日黑朦朧。殺氣干雲貫太空。  
真是劫區之氣象。誰將世運助天功。

南屏古佛降訓示

二月艷桃花。香噴滿仙家。靈根何不尋真訣。早  
赴瑤池共樂哈。塵居乃是臨時地。終日紛紜俗慮  
麻。靜坐好。勿貪華。吾今已把高聲叫。齊出迷

途上法槎。

觀音古佛降訓示

調寄浪淘沙

浩劫遍塵寰。屍骨如山。慘哉皇胎畢竟幾時還。  
未有期靈根墮劫真堪嘆。知錯難翻。後六萬年再  
會仙真不畏難。屢降塵凡。任教處處設乩壇。爭  
奈狂瀾終莫挽。度此難關。奈何

又詠詩二詩

楊柳枝輕雨露多。常翻下界萬恩波。  
起人疾苦慈心抱。度世痴迷醒夢柯。

江湖澎湃起鯨波。汨沒原人可奔何。  
清靜上方留劫燼。治平中土厭干戈。  
赤心弭劫空思策。木筆垂詩悲有歌。

吩咐殘原速速醒。免教瑤母涕涕沱。

陳希夷大仙降示

今時真是亂離成。子覓親兮弟覓兄。  
這回劫數非同小。南北東西皆是兵。  
今日不知明日死。營營猶似若蒼蠅。  
道有大道不去走。偏自高崖深壑行。  
虎豹知有亦不懼。愚哉此輩幾時醒。

玄玄子降示

空空一切色皆空。萬類皆沾帝力功。  
道大無邊修是岸。還丹覺性果無窮。  
人能親道道親人。覺悟修身了俗身。  
普願原人遵我訓。他年功滿見娘親。

原人何不早思歸。大道無邊大有爲。  
趕赴瑤池爭食果。遲來恐母不提携。

呂祖訓示降於丙戌年春吉日

使人心之復古兮。四方霑足以豐年。使聖人之治

世兮。民康物阜福綿綿。逍遙乎吟詩踏月。飄飄

羽袖而聯翩。方壺尋極樂。洞口擘霞烟。跨長虹

兮臨萬仞。登雲端兮欲摩天。視下界之芸芸兮。

鼓腹便便。平聲無煩我心之惻兮。無令我涕淚漣

漣。朝弄劍光於北海。暮玩部洲於南瞻。式遨式

遊兮。占五行秀氣之先。夫何數之有限兮。竟昇

平而驟遷。亦人心之乖歪兮。每開罪於皇天。

非人禍則潦旱。非兵燹則凶年。風雲起夫東北。

殘陽掛於西邊。既勞師於征伐。何有暇於耘田。

種植曠其地利。失收累及窮簷。農事生之者寡。都市食之者千。荒淫縱慾。妒能害賢。雖將來之報應。仍迷戀於目前。四維失其大統。五常倒而復顛。人與禽而無別。人與獸而同緣。嘆舍本兮逐末。悲禍患之難捐。於是降鸞乩兮渡世。憑木筆與沙箋。奈世道之澆漓兮。目大道爲空言。余悲心不盡兮。猶復救末劫而弭災冤。胡世人之不悟兮。往往認染苦以爲甜。及大難之臨頭兮。遂無可解而自纏。吁嗟乎。憶昔年兵險之所驚。焦土十里尚駭然。肝腦塗地兮。熱血還鮮。是劫氣之臨兮。警人速覺而莫延。人幸逃乎此難兮。却忘記於從前。作惡尚不悛兮。視爲善爲心偏。天心雖與以自新兮。惜世人之不德。死灰復燃。我雖婆心苦口兮。恨夢夢而不勉旃。蒼天恕無可

怒兮。如雷霆震怒之炎炎。在瘟災饑饉而消滅兮。  
。欲殲盡不肖與腥膻。乃造劫者乘時而起矣。而  
應劫者遂相繼以前。彼善人兮救劫。因搶地以呼  
天。於是乎神其悲憫。殊不安然。欲吟笑於琅玕  
之上。墨和淚以俱研。奔走雲端兮。跪奏玉皇以  
乞憐。或作紫霞之醮會。或合靈以禱天。誤我清  
閒歲月。爲爾煩惱牽連。吁嗟乎。何門人之不悟  
。尚一夢而茫焉。爆燈花而示警。求勿怠而勿偏  
。盡心盡力而宣揚兮。狂歌當哭。願知者百讀斯  
新編。

李凝陽仙師降壇詞 調寄思佳客

今夕臨壇我獨先。漫天浩劫在眉前。近矣可不畏  
哉

非天故意偏降劫。卽是殘靈自作愆。惟人自召  
著寶訓。醒殘原。大家齊赴問蓮船。諸生勉力同  
撐此。他日書成譽遠傳。功德無量

### 玄靈玉皇降壇諭

諸生嚴恭寅畏。代天宣化。朕心亦慰矣。凡是善  
壇諸生。多是聖門弟子。良知不昧。撐持大道。  
振起聖化。是故勸導一代理以言。教化萬世以書。  
今值三期收圓將屆。靈種未醒尚多。欲辦收圓。  
則收無可收。圓不自圓。朕膺收圓重任。誓將靈  
種度盡。奈屢喚不醒。哀哉淚下。我亦痛心。人  
還不醒奈何故。今再設良策。重著新書。以作暮鼓  
晨鐘。爲既倒者救。已溺者拔。天帝慈悲無所不  
至。特將書降慎思詔諭屢頌。以勗諸子。各派責任

。維持降筆。勤慎供職。勿自放棄。寶訓垂成。  
各賞功勳。無忝厥職。自有大功。倘荒壇務。愆尤自  
召。各宜懍遵。勿忘朕誥。欽此

### 玄靈玉皇降道不遠人人自遠道訓

溯人之初生。天賦我以靈性。地授我以百骸。畀  
我以五倫。範我以八德。五倫八德者。是道之所  
在也。呱聲初叫。天性純然。無智亦無得。性體  
空虛。一無所有。飢而知食。渴而知飲。人之初  
性本善待其方長。習染日深。若教化不良。定必  
乖逆。習相遠在家不遵親訓。所作則叛道離經。  
其爲物欲之所蔽。去道遠矣。安知天地造化之理  
哉。人之去道遠矣。若思返本還原。須識真修要訣  
。真修要訣者何。曰八德爲八寶。五倫貴五金。

克存勿乖舛。便是修道之一門徑也。雖未捨身離鄉別井。尋訪先天之道。而早有修道之基矣。蓋朕昔日非是道士。亦非儒生。乃一忠義仁勇之人。秉正三綱五常。心存衛民衛國。志抱救苦救難。當時忠義之氣。塞乎兩大之間。吾生前固未曾修先天之大道也。而吾所作所爲。一一不出乎道。皆以道自居。以道自守。雖云不是道人。遍體皆是道具。已有大道之先聲。歿後師普淨。在斗牛宮中。得真竅。僅修三載。而吾之大道業已成功。煊赫威靈。伏魔顯聖。慈悲廣大無量度人。以故三期普度。位證天皇。統三教之權。司造化之職。膺萬仙之首。御宇蒼穹。此因吾去道不遠。故成道有如是之易也。夫由相識而朋友。由朋友而兄弟。由兄弟而君臣。由君臣而通明首相。

由首相而天皇。在在忠義皆造乎其極。此無他。惟人能弘道。非道弘人。不離人者道也。而體道者人也。又何遠之可言乎。聖能弘道。非道弘聖。不離聖者道也。而體道者聖也。又何遠之可言乎。今也運際三龍。道傳火宅。玄點原人。雖盡五倫八德。而無性命雙修者。不能證上真。面慈母。故然燈下世。遍設道場。道統獨任。主辦三期。結前六萬年之功果。開後六萬年之道德。倘有志之士。或能懺悔之人。信心篤實。即將修身煉性之法傳之。便宜之極授以佛經聖典。俾知改過自新。雖然。禪法非以知之爲貴。貴乎勤功。煅煉。不煉雖得之易亦失之易也。兼之濟人利物。行持不離五倫八德。此是內外雙修。功果互用之妙法。奈嘆今日之人。齊趨苦海之中。共染歐西

之毒。雖有列聖之慈。諸仙之化。常垂訓誡。亦置若罔聞。縱有少醒者。徒求神庇我以福。賜我以壽。是妄想。不思血肉之軀。乃四大假合之具。斷未有凡體不滅者。是故人生在世。知身之有是來。當知去也。有所歸。何可將先天所賦之性。被物欲以淆亂之。分散之。修道之人。宜將性命煉得清清淨淨。復還先天本來之性。勿爲後天物欲所蒙蔽。則庶幾道果可成。所謂道不遠人者。可渙然冰釋矣。然則修道之重要如此。靈山種子。何不遵是道乎。世上殘零。勿違吾望。

**李凝陽仙師勸原人速勤功誦坐訓**

夫中國者不易居也。非靈種不得居大道者不易聞也。非靈種不傳真師者不易遇也。非其時不遇今

日道門諸子。既遇真師點道。還不趕修真師指引。迷關已破。正道已知。奈知而若不知者何也。名利未忘。恩愛未滅。道機方發。魔障纏之。覺而復迷。良基於此。故一得一失。不能建大功。立大德。講求性命之道者。往往皆是。可惜呀。可畏也矣。但魔力雖大。難阻正道之昌明。邪不勝正。倘能堅我志。定我心。一志不移。雖有諸緣纏擾。一心向道。日日不間。雖未造到上乘。亦可免輪迴百轉。何樂而不為。自從今日起。前之種種。譬如昨日死。今後種種。卽如今日生。放下屠刀。立地成佛。三期度人。不論前半世是何種人。執何事。作何業。今日能誠心向道。改過自新。吾等乃是認作原人。度之以良法。授之以正道。天量何潤。若非遇此三期普度大開之時。斯無此絕好神奇。

緣也。前真初欲修道。曾許無邊大願。誓了無量  
度人之心。百經苦折。方可得聞真師指示一二。  
後再立外功。多行方便。一心不二。永遵道法。  
度己度人。方可得真師點真道而修之也。其難乎  
又如負笈擔囊。千里尋師。萬里尋訣。歷盡多少  
崎嶇之路。受無數飢苦之勞。求真道誠非易也。即  
如歷代祖師可為證之。如邱祖可吾言不謬。明示  
生知。凡是人類。既進道門。應速加苦煉。未進  
道者。應仰慕之。作利物濟人之事。守八德。重  
五倫。久而久之。自有道緣而領導之也。是故閉  
戶可得聞道。不出門可得修大道也。此道之輕易  
得者可知也。吾對之曰。非輕也。乃三期度人之  
量廣也。慈母欲速將九二原人度盡。故開此種輕  
易得修之門徑也。原人其速猛醒乎。大道其速勤

修之。庶其可矣。

又詠七絕詩一首

訓詞一一縷言詳。爲度原人返故鄉。  
謹守五倫與八德。勉修功果慰慈娘。

濟佛訓示

修己纔可渡人。救人纔可修己。這兩句話。本是吾道的大主旨。凡吾同修。人人都可以知道的。所以吾師時時以慈善向大家勸勉。無非是教大家做些慈功。好來補助自己的修功。可見行慈。全是爲着自己。並與他人無絲毫的關係了。老衲有一個比方。是何比方呢。卽以諸聖仙佛說罷。職位雖有高下不同。而無罣無礙。安居靈界。常享極樂。却是一樣的。又何必管閒事。今日此地化

劫。明日彼處消災。忙個不了。是何緣故呢。無非是爲着自己的功行。不圓滿罷了。諸方明白此意。就知道大道的內坐外慈。是缺一不可了。倘若只知道修己。而不知去救人。就是得着些好處。也不過是枯木死灰。一種枯禪罷拉。你看現在那深山古洞裏邊。有多少修真養性的人。有三百年的。也有五百年。八百年的。終久未得解脫。未得超升。是何緣故呢。無非是無慈功的補助罷了。然若是只知救人。而不知去修坐。那就成了住相布施。與世上尋常慈善機關。是一模一樣的了。縱能得一個慈善大家虛名。究竟修與自己有了甚麼益處呢。諸方修道多年。能把這兩件事。身體力行。不使有所偏廢。那就近乎大道的宗旨。好處也可以到得了。成有人說。現在的時局。水火

刀兵。無地不有。癘疫災劫。到處皆是。救之不可勝救。就是拿出些錢來。也不過大海丟一葉。太倉添一粟。恐怕無濟於事吧。其實不然。凡欲爲善的。莫不存一個化劫的心思。不論財之多寡。力之大小。既有化劫的心思。必無造劫的行爲。人不造劫。且都去化劫。則今日化一劫。明日化一劫。一人如是。人人如是。災劫雖大。自可以漸漸的化除淨盡了。又有人說。爲善行慈。雖是一件好事。無奈際此亂世。謀生維艱。一家的衣食住。尚且鬧個不了。又何有閒錢去行慈呢。哈哈。這話是故意推諉吧。殊不知爲善無非是人皆可做的。有資者出資。無資者出力。資與力是一樣的功德。況且一錢一飯皆是功德。一言一語亦是慈善。又何必拘拘的有資纔算是行慈呢。

更有人說。諸天神佛。既具宏大的慈願。又有廣大的神通。救苦救難。化劫消災。豈不易易。又何必勸人去行慈呢。這話更是不對了。世間的災劫。無非由人心不平。纔鬧成這樣的景象。災劫既由人造。亦必由人去化解。人心向善。天心自回。語云解鈴還須繫鈴人。就是此意。天道無親。惟親善人。這纔是個正理。豈可諉之於神。而自己不去努力呢。還有人說。俗常言。事不關己莫出頭。此時雖有災劫。却還未輸到我的頭上。却還未加到我的身上。自己且掃門前雪。又何必多管閒事呢。這話越發的不對了。凡災劫之來。多在無形的中間。若不於平居的時候。先行些方便。積些陰功。以爲免劫脫數的根本。恐怕一到了大劫臨頭。災惠及身的時候。再想挽救的法子

。那就來不及了吧。哈哈。以上我和尚所說的這些話。雖是諸方們知道的。却是世人最易犯的毛病。吾同修固可以有改無勉。而大家亦可以把這些毛病熟思深審。將來也可以作個勸道的材料。

### 岳武穆大帝降分別正邪教文

哀哉世運。惻乎人心。犯上作亂。顛倒五倫。廉恥喪盡。無父無君。聖教不講。番語是親。尊崇邪說。正軌不登。是非曲直。迷而不分。造諸端孽。禍召自身。被邪說之害大矣。知而故犯。

永遠沉淪。可不辨歟。阿鼻地獄。呻吟痛哭。吁可憫乎。如斯結局。溯人之生。天性本良。知誘物化。善性被戕。習染不正。邪僻是張。

交遊共語。惡俗同鄉。近之既久。迷真逐妄。陷於惡類。不明禮讓。不聞其臭矣。彼夫野人。風俗尚古。造孽亦不大。與世無爭。分明取與。惟茲宦海。悉納濁汙。過亦易犯。嘻不怪也。但惜之乎。人生在世。與惡人交。如衣皂衣。不見其黑。惡化日深。若人在世。與善人交。如着素衣。不見其白。花苑久居。渾忘香色。是故如此。擇居問里。邪盛則正恐爲所亂。當去惡就美。古之猛母。三遷住址。謹慎交遊。亞聖孟子。知言養氣。道統承之。少成若性。因近聖居。人當則效。亦步亦趨。我勸世人。交友宜明。染皂則皂。染青則青。人非上智。焉能出污泥而不染哉。

久而習慣。變化維艱。崇正未論。黜邪再申。  
試將邪教。一一指陳。現日邪教。廣量陷人。  
有聲有色。可見可聞。神通卽現。藝術滿身。  
可求財祿。利己損人。奇幻百出。又有一教。  
溷跡凡塵。偽說性命。不講五倫。祈禱天祐。  
捨道不珍。復有一教。以法制人。假作道侶。  
喪盡心猿。再談一輩。借佛損人。假修功德。  
肥家潤身。賴佛圖生。種種式式。齟齬不盡。  
七七彌勒。各逞其能。左道何其多也。宜乎正道之  
不明。  
爾云真道。我說天真。蹂躪國土。不顧生民。  
異端險惡。甚於寇讎。於斯失足。遺恨千秋。  
與其後悔。胡不回頭。今逢普度。幸值三期。  
道場林立。處處有之。訣傳火宅。度衆旋歸。

然燈把舵。點玄靜坐。煅煉工夫。精修在我。  
一心不二。懺罪勿遲。半生罪孽。立可消除。  
不求名利。注重五倫。八德要守。無間修純。  
三還九轉。竅竅相通。性海圓覺。冰雪明聰。  
果滿功圓。登上品蓮。嘻嘻可賀。道力無邊。  
法純道正。妙不可言。清清靜靜。漠然淡然。  
述聖有云。君子之道。淡而不厭。惟求深造。  
正邪判然。辨之須早。清清靜靜者。其正道也濃厚。  
甜者昔邪道無疑當辨。世上人乎。俗中子乎。  
生有是來。去有所歸。不修性命。恐墮泥犁。  
誤入邪徑。不知所爲。生造重愆。已足怒天。  
衣祿受盡。無常解閻。纔抵孽鏡。難瞞慝姦。  
閻君定罪。鋸骨誅心。滅頭剖足。痛苦難堪。  
誤投邪教。如此罪愆。改尋正道。無黨無偏。

認登道岸。有厚望焉。

又詠七絕詩二首

異端邪說陷靈根。喚醒原殘勿昧真。

失足於斯千古恨。森嚴地獄永沉淪。可不辨歟

大道光明可證真。逍遙自在永榮身。

存心養性修功果。方是塵中上等人。

張桓侯大帝降壇詩

調寄江字子

側目觀塵海。不堪正視雄心救俗難。測隱心生手

持丈八到乩壇。何等威嚴降訓沙間。喚醒殘原覺

。勿與世人爭。道高要隱德厚要忍及早修身勿視

間。離却塵凡。欲脫塵凡誦坐無間

張桓侯大帝降評判是非諸端事理文

人有善惡。理有是非。合義爲是。無理則非。循規爲是。越矩則非。是非之理判然所云是者。始重倫常。繼以八德。存心以仁。濟人利物。佛口婆心。勸導原人。咸歸正軌。不陷迷津。義之所在。度己度人。此皆是也。非者何也。不守本分。不睦彝倫。狼心毒計。埋盡厭人。巧僞欺詐。侵害善良。明知昧理。自以爲長。此盡非也。庸庸俗子。大都若此。愚俗無知情有可原。姑不足論。專說宦界。宦海中流。志若鯨謀。貪圖財祿。搜民膏肉。百計推敲。噬民心腹。何等狼心財滿荷囊。便貪口腹。民已不安。物被殺戮。牛犬動物。被其刀戮。籠以豬羊。

食不饜足。肆殺生靈。爲己鞠育。食不美口。  
再戮他畜。畜亦動物也。物類被屠。孽冤莫洩。  
忍哉民財敲索。孽債無伸。他爲得計。  
橫惡無垠。噫不然也。六合之內。各有其神。  
神有其職。可畏善者紀功。惡者記過。  
人有三尸。家有竈王。冊註滿年。繳呈上皇。  
天官地官。校量短長。功者庇福。過者降殃。  
壽祿終盡。命絕無常。天網恢恢。疎而不漏。  
被殺物命。告訟閻王。爾前恣腹。肆以殺戮。  
今到此來。命債償足。至時恐賴不得。方得離獄。  
問之莫辭。追悔莫贖。何故生前心狼毒。可惜乎。  
。我亦憐之。我勸世人。是道則進。非道則退。  
。太上明言。國之精粹。人當奉爲至寶。天地萬物。

惟人爲貴。存以忠恕。持以禮義。勿犯陽律。勿犯天條。所作所爲。義理存焉。固當如此。是非曲直。雖人不識。利祿熏心。忘却義理。昔日吾帝。所爲皆是。不離忠恕。救民水火。誅奸逐賊。持以忠肝。矢志救國。義氣滿天。民敬神欽。後證果位。恩封大帝。此功此銜。皆前之力。天皇之所以爲天皇者。無他是道。則進非道。則退之所致。也是故人生。是理則作。非理勿近。由此做去。是一良人。成仙成佛。亦可仰而致欽哉。訓語。勿負所云。至囑。

又詠七絕詩一首

是非曲直判明分。義理存焉路可遵。戒殺戒貪廉守己。須知三尺有靈神。

王天君降壇詞 調寄樂清風

怒目視妖魔。疾惡如仇殺不了終恨。赤心扶正道。  
。振奮靈種歸根。金鞭專擊沒倫人。爲乃綱常而  
整頓。雷火誅燒忘義者。欲澄清宇宙乾坤。願掃  
清宇臭救我原人

王天君勸外教咸歸正道訓

夫正道。乃無聲無色。無大無小。無爲而有爲。  
空虛而無象。澄靜不可瞻。至大可包天地。至小  
一粟可收。道之範圍。可謂至矣。道之理備矣一  
事一物。皆不離道。一言一行。不出乎道。可離  
道者。其不合乎義也。試觀厥草厥木。尚不離道  
。蓋草木無雨露和風則不生。是雨露和風卽道之

所在也。況人爲萬物之靈。豈可離道而立哉。不可須臾離也。溯有生之初。天賦之理以成性。賦之氣以成形。此卽由道中賦之。人既落後天。應將正道煉返先天。方得爲之返本還原。倘不知將道自修自煉。誤入邪教。與魔爲鄰。故不能將三寶煅煉。不能將血肉體化爲虛無體。不能將色相變爲無相。真可惜也。至於外教者。乃是邪說異端之學。雜法僞道之流也。有形有色。可見可聞。此皆非正道。宜辨之欲尋正道者。當知所抉擇。方可進其門。若一失足之差。千里之別。其能皈依正道。可成仙證佛。永樂彌羅。倘陷邪教。阿鼻是居。嗚呼。正邪之別。有若斯者。世人慎之乎。懼之乎。拭目觀之。捫心想之。夢寐思之。覺悟醒之。庶其可矣。

曹國舅仙師降壇

救苦歌

敲玉板。唱漁歌。世人無醒如我何。因奉命。醒  
修羅。故且降壇把筆呵。早早覺。日將西。今時  
無返何日歸。勤勤煉。共提携。蟠桃已熟正有爲  
。天仙樂。樂逍遙。修證金身上玉朝。銀漢步。  
步金橋。飛騰萬里不爲遙。勸人速醒痴迷夢。萬  
事空然冰自消。

南屏古佛降壇詞

調寄思佳客

醉乘雲鶴到壇前。降訓垂詞責在肩。呼喚殘零登  
彼岸。三期普度好收圓。歸正覺。懺前愆。痛改  
前非速上船。超過劫期污濁世。大家佇看太平年

李青蓮仙師降壇詩

春夜冥冥雨亂飄。南方氣候太蕭條。花垂荒圃知  
寒冷。人步通衢歇濕潮。一個酒仙雲裏立。二三  
鸞士案前朝。料知寶訓竣期近。我也留名警世刁。

智德詩

智慧先天賦與人。切宜善用以修身。  
勿教越矩誇神算。免使冥冥神鬼嗔。

仁德詩

惻怛時時抱在心。救災救難盡慈忱。  
九天佇看遐齡錫。仁者方知福報深。

勇德詩

賁育威名此日沉。匹夫志氣有誰欽。  
勸君有勇須忠孝。乃得榮華冠古今。

李青蓮仙師勸著書者勿著邪說文

夫書者。所以言理也。所以載事也。流傳千古。  
以爲人之所參考。奉爲法則。故通理達情之人。  
皆從書之所得而能也。舍此無他如其書善而正。  
如春秋孝經五經四書之類教忠教孝。教禮教義。  
則人誦之。而心思其理。必效法而爲善人。爲忠  
臣。爲孝子。爲明哲之士。其受書之益亦大矣。  
至若其書有所不正。或艷麗之詞。或邪淫之句。  
或才子佳人風月之事。或誨淫誨盜之法。其詞華  
。其語麗。人見之則必悅目娛心。味其理而玩其  
情。思其所以然。而想其當然。人之心志亦由此

而壞漸欲親歷其境。而至身臨其事者。便大胆起來嗟嗟。誠如此。其不爲淫惡之人。造無窮之孽。而陷於苦海者幾希。此罪非著書者所造成其誰此亦由書之所教也。邪書之爲害。亦大矣哉。故著書者之責。亦豈淺鮮也乎。我雖不殺伯仁。伯仁蓋由我而死也。亦爲理所必然故能著一有益於世道人心之書。是著書者之大功。夫至聖作春秋。而亂臣賊子懼。周公制禮樂。千古用作典型。崇敬欽仰之至敗類作西廂。竟至嚼舌而死。聖嘆批水滸。乃不齒於儒林。結果如斯著不正之書者。其罪亦莫大焉。夫著書之人。必具有絕大之聰明智慧。方能言理言情。若夫少學之人。及愚呆之輩。必不能出此。可以立大功者。其爲聰明人。犯大過者。亦爲聰明人。聰明反被聰明誤。良

堪痛惜。以有用之才。作造孽之事。尤足傷心。  
吾願世之大器皇胎。有根靈種。其毋舞文弄墨。  
作萬世之罪人。以敬以誠。爲千秋之儀則者若將  
其才智以參禪悟道成仙成佛豈不甚易庶幾無傷清  
德而削陰功。損畢生之幸福也矣。其慎之哉。其  
慎之哉。

### 南屏古佛降壇詩

憶自南屏現法身。嬉諧笑謔弄兇人。  
諸魔遁跡顏風斂。濁世吾將一洗新。  
又歌一篇

世人笑我顛。我笑世人更是顛。癡慾貪嗔迷本性。  
。名韁利鎖苦牽纏。釜內錦鱗猶自樂。幕中紫燕  
尚酣眠。烽火漫天禍燃睫。瘡痍滿地尚貪錢。更

有一般輕薄子。花迷撩亂不知天。三期普渡如斯便。甘沉苦海不上船。哈哈。我顛是假顛。問你世人顛不顛。

### 南屏古佛降壇

破扇無炎也自持。雲裏伴眠癡。重至祇因詩未詠。臨風又放我懷詩。吾最好酒。深悉酒之有害於凡人。今作數章以戒之。麴蘖香飛甕裏春。一樽真個最宜人。持杯但作率真會。仰哲還思夏禹論。一杯千古誤愚人。罵座醒來始悔頻。旨酒好從今日遠。勿教亂性喪天真。醉時天大事渾忘。袒裼羞人更可傷。對客如牛言不遜。人人憎惡可思量。

浪費金錢長一醉。堂中甘旨倩誰供。  
勸君好把筇懸物。魚菽沽來奉乃翁。  
哈哈。有了四首七絕。我的醉又醒了。

循例作下壇詩。好回吾的荒島睡覺。  
又詠七律詩一首  
雲問拈韻費躊躇。苦我奔忙爲救時。  
舌敝脣焦桃筆禿。星披月戴草鞋遲。  
都因浩劫今思挽。爲答皇恩付托知。  
摳起破衣飛步去。他時再到賣吾癡。

### 柳道童說因果報應文

積善之家。必有餘慶。積不善之家。必有餘殃。  
爲善降之百祥。爲惡降之百殃。此一定之理也。  
永無更易今見有修道者。初則孳孳於道。繼則荒

而棄之。謂道之無稽也。其真是謬之至。愚之甚也。夫大道者。無聲無臭。無形無影。無色無相。否則非大道也。每見善社之衆生。未積德而求福報。未立功而求佛照。未參玄而求成仙成佛。或有小積功德。而自誇張。恐人之不知也。或有恃己已入善社。作些惡事。無礙也。作些損人利己之事。無過也。其過與未聞道者更加一倍。我可以藉佛力庇佑也。噫。愚之甚矣。令吾痛心矣。吾言至此。潛然淚下矣。不知諸弟子之意竟如何也。夫因果報應。其理無窮。不能使世人預料也。故今有作善而殃來。作惡而現時富貴。此真乃令人可疑之事也。此豈上天無眼乎。無報應之昭彰乎。亦遲遲耳。吾對曰。非也。假使某生二子。一不孝。一不弟。某如立有功德。見善則爲。見

財思義。則伊二子天必收之。後錫佳兒。此報以禍而實福之他人則曰。某爲善矣。何天降之災殃乎。絕其後嗣乎。今有某人專以損人利己爲能。無惡不作。而榮貴矣。富宦矣。世人亦讚羨他。仰慕他。不知他將來惡報。歿後之罪愆也。世人心。往往如是。吾今特降此文。固爲末世挽頹風於萬一。亦爲善壇善社中打破一疑團也。將此推而廣之。是爲既倒者扶。既溺者救。既病者施藥。可快快猛省。急急回頭。吾不贅言也。

韓普濟仙師降壇喚頑歌

吹玉笛。到壇前。爲著寶箴共結緣。度俗子。勿造愆。作惡之人拿見閻。眞害怕五倫講。八德持。勿貪榮貴勿謀錢。要如此修身好。快參禪。煉

到丹成可證仙。功造上乘

李蓮修大仙叙明扶乩之法

凡學扶乩者。端躬直立。心放空。手放定。性和平。由乩行也好。不行也好。只兩指端承乩柄。順其自然而行。行覺有意。心會乩意。神與人通。心隨乩轉。字由乩書。有意無意中。由無中生有。有中還無。無無而有。有有而無。此乃無極變化之理。生道之功。學者熟觀之。細玩之。理會之。力行之。庶乎其可矣。工夫在定心。不生雜念。為第一無上法也。諸生學乩。其學定心之法。後乃學乩。若乩行不由神意。學之何益。習之亦無效力也。定心者。不生雜念。四相俱空。三心盡滅。此是定心之法也。三心。是過去心。

現在心。未來心。四相。是我相。人相。衆生相。壽者相。未明定心之法者。其細玩而學之。自有所得也。初學之士。未必盡能了却三心四相。不過要放空其心而已。三心盡滅。四相俱空。非仙佛不能。爾等是道中人。修仙煉佛。亦要將三心四相除之。方可達上乘工夫。此是教生之法。若不明白示知。終是不曉扶乩之法也。扶乩之法。盡播於斯。是篇傳世。則乩壇可林立矣。

### 鍾離太祖師訓示

鍾離祖曰。世間學道。一切因緣。莫非天授。半點不由人力造作。故丹道非神助不成。而上神非功德不感。茲言和情功過。致和工夫也。煉性功過。致中工夫也。此參贊位育之事。乃功德之極。

大。而神天之所最重者。奉道之士。豈可不盡其日行之功乎。顧和情煉性功夫。自有合習之法。不知其法。跬步維艱。得其要領。頭頭是道。其法爲何。在明乎動靜之理而已。凡人之身雖閒。要不能有靜而無動。而人之事即多。亦不能有動而無靜。靜則用致中工夫。動則用致和工夫。兩者兼習。不得待身閒而後持。以身不閒而不持也。然靜中有動。動中有靜。又不可不知。何謂靜中有動。即如閒坐靜也。斯時則向煉性功過着想。務令真性不昧。一念不起。而致其中。閒坐時。忽有人以急務來相商。我之應答便是動。斯時則從和情功過着想。務令辭氣雍容。仁義滿腔。而致其和。應答畢。仍然煉性。不要思念其事。何謂動中有靜。即如往某處會人。其先必起心。

起心動也。斯時則向和情功過着想。而做致和工夫。務令我會人之心。純是爲公不爲私。爲義不爲利。發心欲去時是動。及其行也則是靜。斯時不可東思西想。惟從煉性功過着想。而做致中工夫。及至會着某人。與之言語行事。動也。斯時則從和情功過着想。務令所言之話。所行之事。悉中節而無弊。言行訖。又是靜。卽止念向煉性功過着想。不得留戀閒談。尤有時本動極。而又純是靜者。如坐中有羣輩談笑。成狂言浪語。或弄妓詠歌。此全不干我事。乃我之靜時。正好煉我之性。而致我之中。斯時則向煉性功過用功。不可爲俗塵所染。由此以推。時時刻刻。皆有動靜之機。在在處處。無非用功之地。總之事來則致其和。事去卽致其中。無論處靜處喧。或坐或

臥。惟以二者自勉。一時不可閒過。片念勿許他適。始而惟求功多過寡。久之自然有功無過。至於功過渾忘。則吾之中和自致。而天地萬物。自位育矣。人而至於天地位。萬物育。不謂之仙佛也。而謂之誰。故二者乃中和之捷徑。修仙之要道也。道君曰。功過一格。最能超凡入聖。能積久奉行。卽未皈我者。亦得感格彼蒼。發大憐憫。默加福報。況皈我者乎。然積善之道有三焉。有行善而不知其爲善者。有行人所難能之善。而不自以爲善者。善之善也。有知其善而勉強行之者。有行其善而存其念者。平常之善也。有圖善之美稱。必行人所知者。有小善行之。大善則不能者。有過不改。第行善以希福者。不善中之善也。善之一念不同。彼蒼之報應有別。亦各從其所

修輕重而應之。習功過格者。由平常之善。以幾於善之善。慎勿爲不善中之善也。庶乎功行易滿。而仙道可成。又功與行有分。而積功累行亦有法。功在事。行在心。舍己饒人。忍辱耐魔。行時時之方便。作種種之陰功。百行孝爲先。凡事在父母面上加功。用力省而積累多。呂祖仙師訂示警世功過格。卽鍾祖所言和情煉性功過格。詳載治家律身課本中。此書抱道堂早有贈送。

李青蓮仙師訓示 五月初九日降於靜廬  
天地人爲三才。道以三進。教以九取。諸子習道。尤以三教爲依皈。玄門之學。當以靜極爲始。靜極生動。卽爲陽復之漸。陽長陰消。便爲生明。

之本。調息養胎。卽爲成道之基。是以坐法首重調息。但息何以調。非以心數一數二之謂。乃攝心靜寂。與天地同其呼吸。如子女之在母胎。爲天地之呼吸一息。吾身之呼吸應之。是以若存若亡。不聞不知。此法靜定生息調。自然于火候丹訣。覺察分毫。至凡夫俗子。于道毫無領會。若能靜坐功修。亦可致身康健。弟子中不少高年之人。每思靜坐用功。但坐法及種火之訣。茫無所曉。亦無補於年壽。故畧與詳及。丹法首重火候得宜。所以成道脫胎。與夫未成道前。補善凡軀。均須以是爲要。但無形生長之義。玄奧難釋。學者於習坐時。其呼吸與天地默默相感。卽爲種火丹訣之元。亦爲延年長生之術。此訣及採煉之法。乃歷古秘而不白。諸子細心領悟。大有裨益。

。故特與告詳。

李青蓮仙師示曰 閏五月十九日降於靜廬  
諸弟子近時所習的。是養火工夫。但火候須別真  
火假火之異。假火者即世念未超脫淨盡。而有蘊  
伏種子之留存。此時養火煉氣。徒覺養成假火。  
假火即邪火之謂。此時徒養無功。恐因此致身體  
受害。故修道先空五蘊。七情淨盡。則天然真火  
。無自生有。殊可久養長育。昭昭靈靈。而天地  
二氣。盡為我身之用。久而久之。變化不測。未  
可一言而盡。先以此留意。

李青蓮仙師示曰 閏五月廿九日降於靜廬  
金丹大道。首重築基。始於有為。是即築基之法

門。及至無爲道自昌。乃火到功成之候。但煉已  
築基之要。無非持心正定。在世事點點用功。刻  
刻防範。剛柔以禦外。誠信以守內。和靜虛靈。  
隨在自安。此爲保養玄精玄神之要妙。若不此是  
務。則大海茫茫。道由何抵。是夕言寡道遠。細  
事跟尋。卽爲入道之本。諸子勿忘。

### 李青蓮仙師降示

談道者萬千。成道者無異鳳毛麟角。蓋言之則易  
。而行之則實難也。修道者不從事身體歷驗。托  
諸空言說法。幾如佛門談性執空觀想。毫無得益  
。而仙道原性。亦與佛氏無異。但注重築基煉已  
。是卽爲修性之始。與佛氏參禪觀想。殊途同歸  
。蓋人之元性。每因塵物紛紜馳逐。苟非從事修

持。則萬難返本還原。此煉己之要。所以必從世事着力。砂裏淘金。殊可克復原性。寂滅還虛。至此境地。與佛門不生不滅之理。實一而二。二而一者也。

### 李青蓮仙師降示

本廬歷期展示道章。諸子閒時。皆當玩索其中妙義。方得入手。不然。雖有吾曹指導。亦何益也。修道務要胸懷若谷。無怨無尤。見善勇爲。實道之基。各當勉旃。

### 李青蓮仙師降示

諸子坐功有日。當知一氣渾行。佈於四體。氣之所至。則神亦至焉。如情志動而慾念生。則神氣

亦因是而外越。學者定力不篤。每有玄關破洩不守。或爲邪妄結習。元神亦以是而失常。是以坐禪之功。首貴培養定力。無論坐臥行止。定力得宜。則內念不出。外念不入。至夫此境。則寒暑風霜。貧富利達。漠視無關。然後常存真我。渾然天理。絕無人慾。此爲煉己初級。尤貴練習有功。日月常行。心領神會。而有獨得之樂。若不至此境。則言道終如門外漢。愿諸子勉焉。何敦仁之坐功日久。惟年近古稀。欲以克復先天。究未易事。惟雄心壯志。大有可爲。將來功成力足。返老還童。卽回復先天之一點童真。斯爲仙道修命之本。所謂命在我。而不由天者此也。

## 濟佛降示

學道心境要如何。先空財色不着魔。惠濟爲懷仁慈愛。推己及人福壽多。

### 李青蓮仙師降示

丹經云。粒粟中藏世界。世界二字指生機。生化化。一粒粟。其中陰陽涵養。一沾雨露。或春潮發動。則茁芽漸長幹葉。時而子熟。遞遷傳播。生生不已。如此一粒粟之微。發生無極。人體中玄牝卽賢宮。學道者潛心領會此妙意。自然果就無瑕。

### 李青蓮仙師訓示

性乃天之靈明。人生之初。落地一聲。天卽賦之知覺。在胎時。祇得溫養不知不覺也。道曰煉性

。人性本賦之于天。何云曰煉。煉其清淨。不爲物慾所蔽矣。乃名曰返本還原。子等學習靜功。當以性光放之則彌六合。見性堅剛。如如不染。道乃斯成。苟能靜歸於一。未來變化。一觸而知。

### 南極仙翁訓示

上年各弟子聞道知道行道。三者拾級登程。當有可觀。但道非一言而知。一日而成。必須溫故知新。知行合一。自可日有進益。心領神悟。諸子勿以外物致惑。因景生心。一往直前。有進無退。否則修習多年。吾亦未見其能長也。

### 李青蓮仙師降示

陽消陰長則人老。老而死矣。故返老還童之道。本先治心。治心卽所以却陰也。心靜則意寧。脾土屬坤。意寧則坤土健。戊爲陽土。陽運則消化易。此就靜坐之小功果言之。至若意靜心寧。則坤安乾健。此土生金之義。惟是無形真火。每生於至陰之中。故惟靜極而一陽動。故易卦陽復於蒙。卽亥末子初之基。靜坐者悟其妙用。自然克復真火。長此保養。則陽長陰消。是卽所謂還童。而復其天真之體也。所談靜坐功果。乃就老年體弱者而云。至道門還丹之坐法。又與此不同。學者切勿混而視之可也。

張三峰祖師降示

龍虎伏。鉛汞抽。識得甚根由。脫凡憂。道岸修。

。德澤潤心頭。發財有路。執中致因由。道門須  
潔守。無邊佛法修。

### 呂祖師訓示

諸子身列道門。他日成道與否。皆各隨志願。但  
道岸不超。則各隨三界果報而去。自受因果報應  
。難免善惡歧途。故諸子於人事天理兩事。務要  
刻刻用心。忠厚爲人事之本。賞罰爲天理之常。  
若忠厚之極。則近乎愚。然與其愚。不予其不愚  
。此爲人事之極則。諸子試考之。凡當世最愚之  
人。惟存心仁慈。每每爲歹人有機可乘。相與侮  
辱欺騙。在明眼人必以爲愚者之愚。誠不可及。  
但富貴後代。每每祖公爲至愚之人。此因果報應  
。不在人之智愚分別。而在心之良歹以判。諸子

試味斯言。當於人事努力用功。

### 南海道人誥

南無阿彌陀心佛神。諸子明此言乎。卽心卽佛。  
卽心卽神。神仙人佛。同此一物。有志竟成。寸  
心無物。在世盡心。心盡卽誠。誠孚感格。感格  
神明。

### 關少帝訓示

竊自元始開天。遞轉三元。輪迴推遷。五行生尅。  
。世有治亂。時有吉凶。民有臧否。惟在天成象  
。浩氣流行。人秉持忠正之氣。可與天地並立。  
。歹曲私衷。不終世而歿亡。堂前吉士。素遵聖訓  
。當本慈孝愛恭之義。齊家修身。自然有物有則。

。天理流行。鬼神共欣。邪魔遠避。富貴壽考。  
福有攸歸。

### 李青蓮仙師訓示

蒲團默坐百念消。精固神強氣息調。  
養我浩然一太極。長春不老步雲霄。  
閒來說出乾坤道。信女善男總能招。  
勤修功德培善果。得結丹砂樂逍遙。

### 張三峰祖師訓示

子等時求玄機。多未能領悟。亦緣各有時期。今  
世界變遷靡定。商業前途。諸多窒碍。欲得身安  
。善途方為真樂。

李青蓮仙師降示

閒把道經參究竟。運玄抱炁養天真。  
時乘活子生機妙。靜能觀動得長生。  
功果多培神自現。濟施法顯現前身。  
達觀世變如流水。情愛休纏毋負恩。

呂祖師訓示

子等得聞學士宣示道章。各當領會。無忘爲囑。  
子等居商日多。雖無餘暇究理。但稍有一刻之餘。  
亦當自治。玩索其中妙義。師有厚望焉。

東岳大帝訓示

呂師遍走人間。無非爲救蒼生。以挽狂瀾。本堂  
諸子。時得師恩厚植。善果多成。吾今臨堂

。聊爲示訓一二。人間生死冊籍。主管在握。大  
公無私。有善則能添算益祿。有惡定必損壽遭刑  
。賞罰分明。天道昭昭。呂卿張卿愛護子等。  
實深仁之致。明日法會。其功豈小也哉。

青蓮真經

李青蓮大仙寶誥

志心皈命禮

文章秀士。詩賦高才。化身爲騷雅之師。掌一炁  
乾坤之鼎。安邦定國。能和夷狄之書。養性修身  
。常隱長安之市。白馬灘頭留聖蹟。黃龍河內顯  
真踪。留赤篆於華山。降丹書於高洞。集法門之  
善道。爲玄嗣之慈航。至仁至義。至上至尊。  
大悲大願。大聖大慈。至仁至義。至上至尊。  
長生應運。太白金星。佐唐護國。應化救世大天尊

三稱

李青蓮大仙降筆真經

天無言。地無言。惟有人心上配天。  
人心向道。卽天道。我道人人可作仙。

祇因凡人未悟覺。不思道德有真傳。  
我是唐朝真嫡裔。奉掌金星號青蓮。  
天帝憫吾忠義性。欽派巡查惡與賢。  
世間若有男和女。日誦三遍禍不纏。  
太上道君宮內應。大羅仙境悉通傳。  
我自臨凡來聽誦。善者真誠降福先。  
更奉天君交我遣。四值功曹七煞兼。  
三天神將吾能調。八景仙童亦可宣。  
若有世間爲惡者。不聽良言苦口傳。  
定有罪劫臨身到。早悔仍能作善賢。  
禍可轉移容汝改。否則難將過冊填。  
我今以道爲衆告。十德詳明在內篇。  
若然依此身行奉。福祿榮華亦是仙。  
修行大本無他異。終在其心敬與虔。

心卽神兮原不易。功過皆由此得先。  
孝悌忠信人之本。節義廉恥共相連。  
更有仁兮兼智慧。十德全憑信念堅。  
爲人忠孝感天地。豈在持齋念佛玄。  
事親昔時能養志。曾參孝行古今傳。  
悌恭友愛和翁翁。夷齊讓國世稱賢。  
更有伯仲壘簞者。元方季方兩並肩。  
治家以和爲上策。莫聽閒人起禍烟。  
兄弟閱牆原非美。終歸兩敗必成傷。  
忠心報主行當力。報國英名萬載香。  
武穆天祥人歌頌。千秋俎豆永爲嘗。  
更有仁兮心樂善。自古人傑有宋襄。  
恤寡憐孤扶難苦。周濟道路各餼糧。

皇天不負仁慈念。埋蛇宰相永留芳。  
救蟻狀元千古紀。此皆報應有昭彰。  
處世交朋義氣當。鮑管分金後亦揚。  
更有雷陳明大義。互相盡道以興強。  
禮亦本應行所重。五倫知禮有綱常。  
若然不犯閑邪集。古賢已有一吳商。  
更有侃母迎賓敬。仲尼夫子禮楚狂。  
陳仲子經留作範。廉節保身萬世香。  
信本一言爲重出。處世言須要慎藏。  
有約不應爲作爽。悞事皆由不信章。  
莫謂抱橋爲不合。尾生守信一心腸。  
恥亦皆因無慧習。不知羞愧是何詳。  
知恥自明人奮志。何愁他日不光昌。  
一言今說凡人聽。早修早覺早登場。

更有十惡爲天忌。招禍亦由此惡章。  
萬惡本是淫爲首。從來百善孝爲先。  
今日莫云緣美滿。暗室虧心自有天。  
淫人自有輪迴報。反躬一問意悚然。  
更小則爲戕身體。陽律經曾有罰言。  
陰律以淫爲最惡。定然加禍早臨焉。  
況兼害人兼害己。如何忍忍對皇天。  
得此一真誠妙果。養成三寶氣精連。  
更得神兮培養體。定有智慧現當前。  
更從此處增多福。如斯何樂不悟焉。  
更有奸邪宜勿步。悞國殃民罪達天。  
秦檜今時阿鼻受。王莽亦是苦漣漣。  
更兼臭名留萬世。子孝孫賢不易編。

或是邪言來惑衆。或求邪藥壽延年。  
豈知一動心存在。罪及兒孫萬代牽。  
世上不能非善立。可能集福與延年。  
所以道無他巧辟。一善經當已貫全。  
貪盜他人財與物。亦是災非有所纏。  
須知物本原非我。盜來亦是化雲烟。  
更兼富貴由天定。命中所注莫強前。  
從儉自能成小富。何須貪愛非份錢。  
務勸世人明是理。早修功過結善緣。  
誦讀時時心自覺。悟透經文禮上天。  
不可口誦心違背。昭昭神目本高懸。  
若是依經來悟善。積福迎祥樂必綿。  
求子求財兼求壽。真心定可見其全。  
天君固把鴻恩沛。我亦來護善與賢。

有緣得看吾經卷。  
壽比南山億萬年。

青蓮真經終

至寶真經

昊天至尊玉皇大帝降示至寶真經序

茫茫浩劫。節節臨頭。嗟彼生民。醉生夢死。不特不知禍由自取。反而怨天尤人。夫天地之德。以好生爲德。又豈忍以瘟疫饑饉。天災橫禍臨民也哉。無如爲善者少。作惡者多。平日欺爭殺奪。奸盜邪淫。其孽積成。報應不爽。是以風雷水火。所以除暴安良也。天災流行。所以警人悔悟也。奈何世之人也。不自醒覺。重以人禍。於是刀兵盜賊相繼。而天災人禍。輪轉於斯世。無止境焉。此三期末劫之所以有見於今日也。然則挽狂瀾於既倒。果以誰爲中流砥柱乎。曰無他。不外從個人造起耳。夫齊家治國平天下。亦從誠意正心修身得來。是故聖賢仙佛。諄諄垂教。萬經千典。皆欲正人心而利世俗。救末劫而度

迷淪。使人心正而天顏霽。人罪滅而天福臨。以是因緣。則天清地寧。豈不快哉。無如九二原人。迷戀生死趣。離天日遠。善根日薄。慧力潛消。每見玄科寶誥。輒云迷信之書。一聞勸善懲奸。便謂腐儒口吻。縱不唾之罵之。亦必望望然去之。其有惡根深重者。更無論矣。嗚呼。天非不欲拯斯民於水火之中。而斯民實自陷於萬劫不拔之地也。朕因內相呂真之奏。以其救凡心重。特許設壇廣州。飛鸞顯應。感化愚頑。辟異端而彰正道。擬將其救劫赦罪之至寶真經降示門人。流傳度世。爰命呂門弟子何氏。再創壇台。秉木筆而宣法典。就經名以命台名。復遣諸神感應。使傳經救世。亟挽瀕淪。人人持誦。所求必應。人心感化。世界昇平。願世之人。殷勤尊重。其勿

負呂真一片婆心可也。

天運壬午冬下元認日

玉皇御筆降序於廣州至寶台

純陽呂祖先師救劫救罪至寶真經

吾是唐朝進士棄官煉道廬山

九九還原抱一飛昇位列仙班

悟破黃梁一夢深知民瘼攸關

隱顯心存濟世鸞乩處處開壇

妙藥救人病苦傳經冀挽時艱

勸爾衆生速醒休來再恃蠻頑

大劫當頭悽慘吾言勿作爲閒

頃刻陰陽立判心存善惡之間

善者逢凶化吉惡人逃劫爲難

此因心靈感召 禍福循理迴環  
世有不忠不孝 機謀變詐貪殘  
作事殃民肆虐 委棄骨肉飄單  
倚勢欺凌孤寡 結黨暴戾兇殘  
此等衆生受報 難逃肢解刑關  
死墮油湯地獄 或抱烈火銅環  
其或貪財非義 以及奸盜邪淫  
扶助惡人爲惡 損人利己爲心  
褻瀆聖賢仙佛 無故宰殺生禽  
耽酒吸煙賭博 狎邪喚妓迷沉  
作爲無益等事 耗散有用黃金  
豈知積成罪咎 冤愆暗伏深深  
一俟惡花成熟 刀兵火盜災侵  
此時悔恨已晚 徒然兩淚漓淋

更有刀山地獄  
還當受報冥陰  
至若怨天恨地  
時常罵雨呵風  
不敬五穀五米  
妖裝異服頭蓬  
婦人逞其長舌  
唆夫罵婆罵公  
不顧禮義廉恥  
行爲禽獸相同  
癘疫瘟災饑饉  
原爲此輩所宗  
先自披毛戴角  
安得不入牢籠  
如有聞經懺悔  
改過向善立功  
則有祥光耀頂  
自然災煞成空  
吾在天中呵護  
救凡法術能通  
又遣諸神相助  
天災人禍無逢  
覺岸回頭不遠  
皈依大道圓融  
聽我言說章句  
從今勿再愚蒙  
禮義廉節惠  
仁慈孝順和忠

九美奉行不怠  
加以內外善功  
豈祇能消浩劫  
還堪仙爵高封  
人若勤修正道  
所求事事皆通  
禍福由人自召  
何苦自昧其衷  
道教無爲清淨  
儒言允執厥中  
佛學真如本性  
原爲萬法皆空  
三教同歸一善  
細求三寶能逢  
在世當修世法  
五常八德爲宗  
學道先參外果  
然後伏虎擒龍  
搬運鉛汞交接  
金丹火候和融  
地軸轉通乾谷  
天關姤退坤宮  
鼓巽風而煅煉  
運離火以燒紅  
太乙壺盈玉露  
黃庭丹結中宮  
自有真師指點  
豁然一旦貫通

但願人求真樂 超然自拔凡庸

漸漸離迷入覺 雙修性命爲宗

此則大乘證果 尤當旨抱大同

化己化人歸正 同登極樂天宮

大道光明萬戴 含和常配虛空

結經讚

心殷濟世妙道垂經 祖師法力度群靈

維帝君德馨 消滅災星 福壽永康寧

朝禮

靈通感應天尊三稱

收經偈

願以至寶經 普救衆含靈

止於至善路 大道永圓明 經終

註：

此經原是誦本。福星小冊祇宜與人參閱諷誦。故祇刊其經文。闡揚經中義理。使人覺悟。請恕未能將祝香讚等刊出。敬請原宥者也。敬修奉持者。災劫離身。福祿隨身。壽與天齊。真至寶也。

集編者

# 神室八法

# 神室八法序

古仙云。道本無爲。而法有作。則是道爲體。法爲用。體用俱備。性命雙修。循序漸進。未有不能力入於聖賢堂奧者也。余自遇龕谷仙留之後。知性命必用法以修之。陰陽必用法以調之。造化必用法奪之。四象必用法以合之。五行必用法以攢之。有爲無爲。各有法則。毫髮之差。千里之失。可嘆世之修真者。不識邪正。入於傍門。每多碌碌一生。到老無成。余不敢自私。盡其生平所得。別立神室八法。以結知音。雖其言平淡。而其理精微。至於財物大小。尺寸長短。攢簇規矩。無不俱備。特以備道。卽所以修神室。神室完全。大道成就。永無滲漏。脫災免禍。入於安然自在之境矣。若有知音志士。於中尋出個孔竅。

直下立定主意。收拾利器。勇猛精進。採取真財實料。依法修造。完成神室。安身立命。作宇宙間一個無事閒人。此余之願也。

告

大清嘉慶三年歲次戊午中秋節素  
大清光緒九年歲次癸未端陽日一清

道人重刊

神室八法

棲雲山悟元子劉一明著

門人 張全校閱  
閔陽和梓

後進學人夏復恒重刊

剛

剛之一法。乃神室之梁柱。梁柱之爲物。剛強不

屈。無偏無倚。端正平直。不動不搖。所任最重。其責最大。神室斜正好歹。皆在於此。故梁柱穩當堅固。神室永遠常存。孔子曰。吾未見剛者。或對曰申枨。子曰枨也慾。焉得剛。則是慾爲礙道之物。剛爲行道之本。夫剛者。強也。健也。果斷也。壯盛也。銳氣也。利器也。善用其剛者。富貴不能淫。貧賤不能移。威武不能屈。如孟夫子然。昔孟夫子善養浩然之氣。四十不動心者。能剛也。如仲夫子然。昔仲夫子人告之以有過則喜。有聞斯行。唯恐有聞。後遇衛難。死必正冠者。能剛也。其次關夫子。岳武穆。雷萬春。鐵鉉。方孝儒等。忠心不改。臨難不屈。無非剛氣致之。雖死如生。特可死者幻身。而正氣不死。修道者。若能以性命爲一大事。看破塵緣。

一刀兩段。萬有皆空。脫然離俗。不在衣食上留  
心。不於火坑中打鬧。千魔百障。順其自然。生  
死存亡。任憑天斷。立大丈夫之品行。抱鐵羅漢  
之志念。具此一點剛氣。有始有終。愈久愈力。  
則攸往攸利。昔抱朴子。聞道二十年。家無積蓄  
。不能成道。志念愈堅。純陽遇正陽之後。經歷  
十試。毫無更變。邱祖慾念不退。淨身三次。睡  
魔不減。潘溪六年。三峰爲道忘軀。衣破鞋穿。  
愈老愈力。七十逢師。以上諸公。皆從艱難處苦  
來。一日苦盡甜來。因緣得遇。大道卽成。蓋剛  
氣不立。四大無力。全身放下。遂畏不前。銳氣  
盡散。六賊搬弄。三尸張狂。主意不定。狐疑不  
決。又怕餓着。又怕凍着。又怕修道不成。誤了  
現在。又怕魔障來侵。苦楚難受。又怕緣法不興

。行道阻滯。噫。人而無恒。不可以作巫醫。而  
。況性命大事乎。故修道者。欲修神室。先立剛氣  
。欲立剛氣。先去其慾。慾去剛立。神室梁柱穩  
妥。根本堅固。大道有望。何爲剛。斬斷恩愛。  
挖除根塵是剛。不怕生死。不怕魔難是剛。整頓  
精神。勇猛前進是剛。廢寢忘飧。是非立斷是剛  
。一心無二。經久不易是剛。和而不同。羣而不  
流。是剛。諸惡莫作。衆善奉行是剛。人貪愛的  
愛。人難受的能受是剛。內外如一。功夫不歇是  
剛。如此立剛。一往直前。不到極樂之地。不肯  
休歇。何患性不了。命不立耶。

### 柔

柔之一法。乃神室之木料。木料之爲物。其性順  
。金可曲可直。可方可圓。隨材而用。大以大用

。小以小用。無處不宜。鋸也受的。研也受的。  
刻也受的。打也受的。欲修神室。先辦木料。木  
料周全。從此修爲。應手而成。玉樞經曰。夫道  
者以誠而入。以柔而用。參同契曰。弱者道之驗  
。柔者道之強。則是柔弱爲進道之首務也明矣。  
夫人自有生以後。秉血氣之性。染積習之偏。爭  
勝好強。以苦爲樂。日在名利之場。夜入酒色之  
境。貪嗔痴愛。般般俱全。喜怒哀樂。樣樣皆有  
。以假爲真。以虛爲實。不知回頭。罟獲陷阱。  
無處不入。怎曉得石崇富豪草上之霜。韓信功勳  
鏡中之花。到不如范蠡歸湖勇於自退。留侯入山  
早已知幾。此柔道之所以貴也。夫柔之爲義。順  
也。弱也。克己也。自屈也。自退也。自卑也。  
無我也。有人也。無妄也。淳朴也。老實也。善

用其柔者。有若無。實若虛。犯而不校。修天爵  
輕人爵。求法財遠世財。不與世爭。如鮑倩然。  
如抱朴子然。如許旌陽然。如淮南子然。如徐從  
事然。如正陽翁然。如重陽子然。以上諸真。皆  
顯宦中人。一時有悟。即便脫然遠去。自顧性命  
。受盡無數苦楚。終得成道。是皆能用柔者也。  
如毘陵師然。毘陵師受杏林之傳。棄僧復俗。和  
光於通邑大都。隱於張環如家。潛修暗煉。不露  
圭角。能用柔也。如郝太古然。太古因馬劉斥責  
之後。居趙州橋。人欺不知。水漲不曉。數年成  
道。能用柔也。柔之一字。所關非小。所用最大  
。修道者。若能知其世事皆假。此身亦虛。不於  
大火坑中着意。乃於無色界裏留心。屈己求人。  
誠叩真訣。認定當年原本。化去血性濁氣。爲功

日增。爲道日減。減之又減。以至於無。性命可  
了。蓋柔爲順道。順時順理。漸次用功。卽能上  
達。所謂後其身。而身先者也。若不能柔順。磕  
着撞着。無明火發。不能自遏。三寶受傷。全身  
失陷。神室木料。爲大火焚化。一無所有。終歸  
空亡。豈能完成大道哉。老子云。專氣致柔。能如  
嬰兒乎。果能柔如嬰兒。則萬緣皆空。知雄守雌  
。知白守黑。木料周全。動工造作。神室有望。  
何爲柔。有打我者順受。有罵我者笑迎。疾病不  
管。是非不入。禮下於人。傲氣俱除。習氣漸化  
。時時省察已過。處處檢點面目。戒慎乎其所不  
睹。恐懼乎其所不聞。素位而行。不願乎外。一  
切人情世事。付於不知。諸般邪思妄想。掃去無  
踪。昔有仙人。卸去兩腿。高卦壁間。等閒不安

於身。久坐不動者卽此意。如是用柔。低頭作事。  
。不矜奇。不求異。不妄認。不自恃。抱元守一。  
。行動如處子。舉止若死人。忘物忘形。意冷心  
灰。日日自有進益處。

### 誠

誠之一法。乃神室之基址。基址之爲物。堅實敦  
厚。無物不載。神室成敗。皆在於此。乃造神室  
之第一要着。故基址築就。平正穩當。永無坎陷  
崩塌之患。夫人性相近。而習相遠。天真喪盡。  
私慾紛紛。內之所有者。邪思妄想。外之所處者  
。火坑刀山。卽有一二自惜性命者。亦不在根本  
上打點。只於枝葉上搜求。隔靴搔癢。望梅止渴  
。空費功力。臨死方悔。蓋道者也。不可須臾離  
也。可離非道也。不離之道。貴乎誠。能誠則大

道可學。大道可知。大道可成。不誠則心不純。心不純。則疑惑生。則妄念起。妄念起。則腳根不實。一行一步。入於虛假。一舉一動。俱是煩腦。隔絕大道。閉塞靈窟。而欲明道。不愈遠乎。夫誠者。醇厚也。專一也。老實也。無欺也。不隱也。不瞞也。善用其誠者。返樸歸醇。默聰毀智。主意一定。始終無二。昔趙真人奉師命出外。遇色不迷。見虎不驚。懸崖取桃。陡壁捨身。卒感祖天師傳授心印。邱祖因自己福緣淺薄。狠力下功。飢餓不怕。生死不懼。感得空中神人報信。如二真者。皆能用誠者也。誠之一字。乃修道始終不離之物。如其可離。則何由而成神室。何由而全性命。何為誠。安危不計。一心向前。出言無偽詐。行事不怪異。隨地而安。

。 遇 境 而 就 。 到 安 樂 處 不 喜 。 逢 困 難 時 不 憂 。 擇  
善 固 執 。 順 守 其 正 。 至 死 抱 道 。 永 無 變 遷 。 有 過  
即 改 。 遇 善 即 行 。 如 是 用 誠 。 纖 塵 不 生 。 萬 物 難  
移 。 內 念 不 出 。 外 念 不 入 。 三 尸 遁 跡 。 六 賊 滅 踪  
。 神 室 基 址 成 矣 。 從 此 造 修 大 業 。 無 不 隨 心 應 手  
。 故 修 道 者 。 必 腳 踏 實 地 。 下 死 工 夫 。 換 却 生 平  
心 腸 。 鑽 破 混 沌 。 取 出 寶 杖 。 處 處 歸 真 。 事 事 守  
正 。 以 本 分 爲 要 。 以 老 實 爲 先 。 性 命 之 外 。 別 無  
所 知 。 道 德 之 外 。 餘 無 所 曉 。 人 一 能 之 。 己 百 之  
。 人 十 能 之 。 己 千 之 。 果 能 此 道 矣 。 雖 愚 必 明 。  
雖 柔 必 強 。 誠 之 一 法 。 豈 小 補 云 哉 。

## 信

信 之 一 法 。 乃 神 室 之 椽 瓦 。 椽 瓦 之 爲 物 。 攢 簇 一  
氣 。 遮 蔽 上 下 。 護 持 全 室 。 椽 瓦 周 密 。 外 擋 邪 風

。內蓄和氣。神室得以堅久不敗。至聖云。自古皆有死。民無信不立。道祖云。恍兮惚兮。其中有物。杳兮冥兮。其中有精。其精甚真。其中有信。周易中孚卦辭曰。中孚豚魚吉。觀此則知信爲人生之根本。神室之要着。信若不立。四象不合。五行不和。兩儀各別。三寶俱漏。大業廢矣。昔呂祖一夢而入大道者信也。丹陽悟死而脫塵情者信也。神光斷臂求法者信也。得此一信。而成道。失此一信而敗道。信之得失。道之成敗關之。故修道者。必以信爲本。何爲信。忠孝廉恥俱盡其道。仁義禮智各得其宜。是非不雜。邪正分明。初念不改。正念常存。應事接物。不逐風揚波。日用夜作。不昧性迷心。對景忘情。在塵出塵。遇境不遷。住世離世。宜緩則緩。宜急則

急。宜後則後。宜先則先。宜進則進。宜退則退。  
。宜放則放。宜收則收。彼我如一。身心不二。  
至於鴻濛一氣不散。太極圓滿無虧。採藥物於不  
動之中。行火候於無爲之內。假中求真。真中去  
假。無非一信而運用。夫信者中孚也。無惑也。  
不易也。見真也。有主也。大道始末。以信爲歸  
結。酒色財氣。皆以信驗。喜怒哀樂。皆以信正  
。視聽言動。皆以信印。品行高低。皆以信分。  
有無邪正。皆以信別。五行四象。皆以信攢。知  
此者。希賢希聖。迷此也。爲人爲鬼。故至聖云  
。人而無信。不知其可也。大車無輓。小車無軌  
。其何以行之哉。信與不信。性命生死。卽於此  
分。吉凶悔吝。卽於此別。可不畏乎。修行者。  
若得其信之一法。則神室嚴密。永無滲漏之患。

可以長生。可以不死矣。但這箇關子。說時易。知時難。行時更難。蓋信之爲義最深。爲理最妙。非尋常言語之信。乃大道之信。乃天寶之信。知得此信。則天寶順手可得。其他皆餘事耳。奈何學人多無信心。何哉。

## 和

和之一法。乃神室之門戶。門戶之爲物。光明通透。絕無遮礙。出入隨便。開闔有時。防外謹內。門戶一立。神室成就。有子曰。禮之用。和爲貴。中庸曰。和也者天下之達道也。蓋不和不足。以爲禮。不和不可以爲達道。和之義無大小。無內外。無邊岸。無形色。天得之而四時順。地得之而萬物生。人得之而性命凝。所謂達道者。誠不虛也。夫和者通也。順也。悅也。從容也。徐

緩也。欲成神室。非和不可。昔達摩觀見東土神  
州。有大乘氣象。入於中國。以了大事。行和也  
。惠能。不思善。不思惡。猶未爲的。後隱於四  
會獵人之中。以了大事。行和也。至於河上公。  
隱於園圃之中。緣督子。隱於商賈之內。王十八  
。隱於僕人之列。是皆混俗和光。依世間法。修  
出世間者也。故善用和者。不驚俗。不駭衆。不  
固執。不偏僻。隨方就圓。內剛外柔。大智若愚  
。大巧若拙。潛修密煉。人莫能識。若夫有己無  
人。行爲執着。不失之太過。卽失之不及。欲其  
竊造化。合陰陽。無中生有。有中生無。造成神  
室。永爲無漏金屋難矣。何爲和。禮下於人。謙  
恭自小。心平性柔。暴躁全無。忿怒不生。大而  
能小。強而能弱。無人我壽者之相。無貴賤貧富

之分。化氣質之性。消嫉妬之心。言行相顧。動靜隨時。無好惡。無無明。無怪誕。無偽詐。和處極多。祇在機活神圓。因物付物耳。吾勸同志者。速將人我山放倒。急把龍虎穴衝開。將已往高傲。欺心。滯氣。血性。小見。偏識。與夫一切不平。不順。不中。不正等事。一筆勾消。另換出箇和平性情。溫柔資格。神明默運。以求先天至真之藥。點化後天至濁之陰。自然有無一氣。動靜自如。還我本來良知良能之面目。登於聖人之基矣。噫。謙受益。滿招愆。學者可不自勉哉。

## 靜

靜之一法。乃神室之牆壁。牆壁之爲物。根本端正。高低相稱。無縫無隙。所以穩定。梁柱堅固。

。上下牆壁一起。神室有象。老子云。致虛極。守靜篤。萬物並作。吾以觀其復。又云。人能常清靜。天地悉皆歸。可知修道者。不到至清至靜之地。而天心不復。神室不成。蓋虛極則靜。靜極則動。動靜之間。有天心現之。天心者。天地之心也。天地之心腹。即天地悉皆歸。苟不到靜極之時。而不能也。夫靜者定也。寂也。不動也。內安也。無念也。無慾也。無念無慾。安靜不動。宥密潔淨。邪風不入。塵埃不生。神室牆壁緊密。而材木長久如新。永遠不壞。故善用其靜者。得意處不喜。失意處不憂。專心致志。對景忘情。不動不搖。如明鏡止水。夫人之靈竅。自先天失散。而後為私慾所蔽。為塵情所撓。終日碌碌。無有片刻寧靜。心不寧靜。忘念紛紛。所

作所爲。皆是以苦爲樂。以假爲真。真假不分。大道怎成。修道者欲修神室。先須習靜。果到靜地。神室易成。靜者非頑空寂滅之學。亦非參禪打坐忘物忘形之說。乃常應常靜。身在事中。心在事外之意。蓋真靜者。一意不動。一念不起。言不苟造。身不妄動。事前不想。事後不計。人過不知。己長不覺。時時顧道。處處返照。不以飢渴害心。不依衣食敗道。生死順命。人我無別。非禮勿視。非禮勿聽。非禮勿言。非禮勿動。境遇不昧。幽明不欺。妄念去。而真念生。道心現而人心滅。是謂真靜。真靜之靜。本於太極。不爲造化所移。神室四面。如鐵桶相似。風寒暑濕不得而入。虎狼兕豹不得而進矣。吾勸修道者。速將活絡心腸放下。急把娘生面目拏出。主心

一定。止於至善。淨保保。赤洒洒。作世間無事  
閒人。開道中正法眼。藏其受用無窮。

### 虛

虛之一法。乃神室之堂中。堂中之爲物。主乎空  
潤潔淨。塵埃掃盡。雜物不留。所以供設寶珍。  
迎待佳賓者也。悟真云。道自虛無生一氣。便從  
一氣產陰陽。陰陽再合成三體。三體重生萬物昌  
。又古仙云。先天之氣。自虛無中來。特以虛者  
實之基。實在虛之驗。蓋道視之不見。聽之不聞  
。博之不得。本至無也。至無則爲至虛。然至虛  
則無物不包。無物不容。故神室以虛中爲要。虛  
中則陰陽順序。精神圓滿。一氣渾然。無內外。  
無左右。無前後。無上下。而在恍惚杳冥中矣。  
夫虛者空也。無也。寬也。無形也。無色也。道

至虛空。無形無色。四象五行。三元八卦。混而合一。渾淪太極。神室圓成矣。故善用其虛者。俯視一切。量同天地。心如太虛。以身爲桎梏。以形爲贅疣。以四大爲灰土。以六門爲孔竅。以富貴如浮雲。以名利如霜露。以世事如夢幻。以情慾爲寇讎。蓋有所志者在。而不爲假物所惑也。夫人自有生以後。積習之氣。填滿胸中。無一物不有。無一事不存。將本來珍寶拋丟於外。性無所寄。命無所賴。性亂命搖。與道日遠。不特神室有傷。而且幻身亦敗。是以保全神室之道。以虛中爲主。何爲虛。却除雜念。變化氣質。挖去歷劫輪迴種子。看破一切恩愛牽纏。一切假事不留。一概外物不受。萬法歸空。四大放下。無眼耳鼻舌身意。無聲色香味觸法。無恐怖煩惱。

無好惡愛憎。無諂無驕。無矜無詐。無狂無妄。  
毋意毋必。毋固毋我。不愛一物。不納微塵。有  
無不立。身心無累。修道者果能如是。神室堂奧  
。開潤明淨。無一毫滓質。與太虛同體。自然先  
天之氣。自虛無中來。渾淪不散。水火不期濟而  
自濟。金木不期併而自併。大道可成。吾勸修道  
者。諸椽須空。一塵莫染。欲實其腹。先虛其心  
。欲生其白。先虛其室。從一切不着不住處。留  
神下腳。不怕不到深造自得之地。

### 靈

靈之一法。乃神室之主人。有室無人。久必滲漏  
。神室枉然。王冲熙先生曰。一靈妙有。法界圓  
通。紫陽真人之謂歟。昔紫陽得海蟾之傳。真知  
灼見。隨機應便。和光同塵。縱橫自在。無拘無

束。所以成道。大異他人。爲南宗初祖。蓋修真之道。能靈則圓通無碍。不靈則固執着空。固執必不通。不通不失之太過。卽失之不及。太過不及。失其中正之道。又安能得藥物於恍惚杳冥之間。行行火候於無爲自然之內。必至進退失節。何急緩失度。老嫩失時。陰陽乖戾。去道遠矣。何爲靈。先發制人之謂靈。義不及賓之謂靈。追攝先天之謂靈。夬夬後天之謂靈。調和性情。外圍內方之謂靈。被褐懷玉心死神活之謂靈。靜觀密察煉己待時之謂靈。竊套造化從無守有之謂靈。不欺不滿之謂靈。常應常靜之謂靈。虎不傷人之謂靈。龍不起霧之謂靈。修道者。具此一法。可以動。可以靜。可以剛。可以柔。誠信得中。和靜得正。性命得了。神室有主。永久不壞。大道

成矣。吾勸同道者。迴光返照。敲竹鼓琴。十二時中。莫要昧了自己。還須檢點當前。磕着撞着。自醒自悟。如空谷焉。呼之即應。如金鍾焉。擊之即鳴。如寶鏡焉。照之即見。寂然不動。感而遂通。神而明之。存乎其人耳。此法無火無候也。無藥物斤兩也。無次第工程。一直行去。工夫不缺。了命了性。可以於理決之矣。雖然真靈豈易知哉。亦豈易行哉。不易知者。不可以有心求。不可以無心得。有心求之則着於有。無心求之則着於無。不易行者。非勉強而爲。非順事而作。勉強而爲。則真者不真。順事而作。則靈者不靈。是在有無不拘。逆順並用。機活神圓。靈之一法得矣。但恐人不認真。棄正入邪。不落於中下二乘。即歸於執相服食。非徒無益。而又害

之。可不嘆諸。

神室八法終

# 百字碑

# 百字碑註序

純陽呂祖。乃道門中第一慈悲聖賢也。自唐至今。千年有餘。或隱或顯。隱顯不測。警愚化賢。詩詞歌賦。流傳於世者。不可枚舉。其專言修真次序。藥物火候。無一不備者。莫若敲爻歌。百字碑。而其言簡理明。易足開人茅塞者。又莫若百字碑。其字僅一百。其句僅二十。丹法有為無為。了命了性。始終全悟。謂之上天梯。真天梯也。然為天梯。而世之修真者。不以為天梯者。每多求奇好異。以其此入無奇無異而棄之。殊不知金丹之道。真常之道。不奇之中。而有最奇者存。不異之中。而有最異者在。特人未之深思耳。如此文始言者。不過養氣降心住性耳。有何奇異乎。其行持之效。能結丹。能服丹。能逍遙。

能通造化。豈不最奇大異乎。嗚不奇而奇。不異而異。學者能於祖師法言。極深研幾。循序漸進。未有不深造而自得者。予讀是文。多有受益。因嘆有此天梯。而人不識。大負祖師度世之苦心。爰是於每句之下。註解數語。以闡其微。願結知音。同上天梯。以報祖師之恩可也。

峇

嘉慶三年歲次戊午三月三日素樸散

人自序於自在窩

大清光緒九年歲次癸未端陽日一清

道人重刊

百字碑註

唐純陽帝君呂祖著

素樸散人悟元子劉一明註

養氣忘言守

性命之道。始終修養先天虛無真一之氣而已。別無他物。採藥。採者是此。煉藥。煉者是此。還丹。還者是此。脫丹。脫者是此。服丹。服者是此。此。結胎。結者是此。脫胎。脫者是此。以術延命。延者是此。以道全形。全者是此。始而有為。有為者是此。終而無為。無為者是此。長者是此。無生。無者是此。古經云。知得一。萬事畢。此語可了千經萬卷矣。但此氣。非色。非空。無形。無象。不可以知知。不可以識識。視之不見。聽之不聞。搏之不得。恍恍惚惚。杳冥冥。不可形容。強而圖之。這箇而已。強而名之。儒曰太極。道曰金丹。釋曰圓覺。本無可言。有何可守。如其可言。可守。則非先天虛無。

之氣。乃是後天呼吸之氣。先天之氣。歷萬劫而不壞。後天之氣。隨幻身而有無。世間未得真傳之流。不知先天之氣爲何物。誤認後天有形之氣。或言在氣海。社言在丹田。或言在黃庭。或言在任督二脈。或言在兩賢中間。或閉口調呼吸以勻氣。或閉息定胎息以藏氣。或搬運後升前降於黃庭以聚氣。或守或運。等等不一。皆欲妄想結丹。試問將此有形之氣。終久凝結於何處。凝結作甚模樣。其必凝結成氣塊乎。每見世之守上者。多得腦漏。守下者。多得底漏。守中者。多得鼓脹。守明堂者。失明。守頑心者。得癩症。欲求長生。反而促死。哀哉。殊不知先天虛無之炁。包羅天地。生育萬物。其大無外。其小無內。放之則彌六合。卷之則退藏於密。僅可知。不可

言。僅可養。不可守。無言無守。言守兩忘。不  
養而養。入於養氣之三昧矣。夫大道活活潑潑。  
不落於有無邊界。落於有則着相。落於無則着空  
。着相着空。皆非天地造化流行之道。亦非聖賢  
真空妙有之道。曰養炁。則必有所養者在。不着  
於空也。曰忘言守。則必無方所。無定位。不着  
於相也。不着空。不着相。則必有不空不相之養  
者在。不空不相之養。寂然不動。感天遂通。寂  
然不動。養氣之道在是矣。

### 降心爲不爲

上言養氣。無言無守。似乎一無所爲矣。夫人有  
生以後。先天之氣充足。陽極必陰。於此而能保  
全先天之炁。不失者。其惟上德之聖人乎。其次

中下之人。一交後天。先天之炁潛藏。後天之氣用事。陽漸消。陰漸長。歷劫根塵俱發。一身氣質俱動。識神張紅。客邪作亂。當此之時。四大一身皆屬陰。不知何物是陽精。雖欲養炁。無處可養。而亦不得其養。祖師黃鶴賦云。上德者以道全其形。是其純乾之未破。下德者以術延其命。乃配坎離而方成。以道全形者。無爲之事。以術延命者。有爲之事。上德之人。先天之氣未失。純陽之體。守中抱一。即可全其本來之真形。中下之人。先天之炁已傷。陽爲陰陷。必須竊陰陽。奪造化。先固命基。從有爲而入無爲。方能成真。又古仙云。還丹最易。煉己最難。又沁園春云。七返還丹在人。先須煉己待時。煉己之功。莫先於降心。但降心須要識得心。心有人心道。

心之分。有真心假心之別。道心者。本來不識不知。順帝之則之心爲真心。人心者。後起有識有知。七情六慾之心。爲假心。真心益人性命。假心傷人性命。降心者。降其人心之假也。然降人心。非是守心。空心。亦非是強制定心。須要順其自然。悟真云。順其所欲。漸次導之。只此二語。便是降心妙訣。故曰。降心爲不爲。曰爲者。心必降也。曰不爲者。不強降也。降而不降。不降而降。有用。用中無用。無功。功裏施功矣。蓋人之頑心。積習成性。如火煉成頑鐵一塊。至堅至固。牢不可破。若束之太急。是以心制心。心愈多。而塊愈堅。反起心病。陰符經云。火生於木。禍發必尅者是也。故降心必用漸修之功。方能濟事。漸修之功。無傷於彼。有益於我。爲而

不爲矣。

**動靜知宗祖。無事更尋誰。**

先天真一之氣。爲生天生地生人之祖氣。無理不具。無時不在。所謂性命之宗祖。存此者聖。昧此者凡。但此氣落於後天。隱而不現。卽或一現。人爲利名所牽。私慾所擾。當面錯過。旋有而旋失。欲尋此氣。先要認得道心。蓋先天之氣。藏於道心也。道心爲體。先天之氣爲用。同出異名。道心卽修道之宗祖。夫道心者主人也。人心者奴僕也。認得道心爲宗祖。以主人而使奴僕。奴僕聽命於主人。不降而自降。一動一靜。皆是道心運用。卽人心亦化爲道心。內無忘念。外無妄事。內外安靜。客氣難入。處於無事之境矣。

能至無事。空空洞洞。只有道心。別無他物。此外更尋誰耶。

真常須應物。應物要不迷。

既知宗祖處於無事。則真者可以能常矣。真者能常。一切外假不得而傷。但真常之道。不是避世離俗。亦非靜坐止念。須要腳踏實地。身體力行。從大造爐中煅煉出來。方為真。方是常。若知真。而不知行真。雖能無事。如同木雕泥塑之物。外雖無事。而內難免有事。所謂禪機本靜。靜生妖也。此乃閉門捉賊。假者不能去。而真者必受傷。何能真常乎。故曰真常須應物。應物要不迷。曰真常應物者。以真應假也。曰應物不迷者。借假修真也。蓋真藏於假之中。假不在真之外。

。無假不能成真。無真不能化假。只在常應常靜。  
。於殺機中盜生機。於波浪裏穩舵槁耳。果能不  
迷。即是真常。雖終日應物。未曾應物。處於無  
事之境。而不為萬物所移。何礙於應乎。

### 不迷性自在

應物不迷。則道心之真常存矣。道心之真常存。  
則人心之假不生。人心之假不生。則氣質之性不  
發。氣質之性不發。則天賦之性。明明朗朗。如  
水晶塔子一般。無染無着。不動不搖。而自住矣。  
。總之性往之效。全在應物不迷功夫。迷則人心  
用事。真性昧而假性發。不迷則道心用事。假性  
化而真性現。住性之道。不迷盡之矣。祖師黃鶴  
賦云。依世法。而修出世之法。旨哉言乎。

性住氣自迴

性者理也。在天爲理。賦之於人爲性。故名其性曰天性。氣者命也。在天爲氣。受之於人爲命。故名其命曰天命。人生之初。理不離氣。氣不離理。命不離性。性不離命。理氣一家。性命一事。因交後天。理氣不連。性命各別矣。若能性住。不爲古客氣所移。而正氣先迴。無命者。而仍有命。性命仍是一事。理氣原不相背。所謂盡性至命者是也。大抵氣迴之要。總在性住。果能性住。則氣自然而迴。無容強作也。

氣迴丹自結

丹者。圓明之物。係陰陽二氣交合而成。當性住

之時。萬慮俱息。是謂真靜真虛。靜極則動。虛  
極生白。先天之氣。自虛無中來。片刻之間。凝  
而成丹。所謂一時辰內管丹成也。大抵還丹之要  
。在乎氣迴。氣迴之要。在乎性住。性住之要。  
在乎不迷。不迷之要。在乎降心。降心之要。在  
乎知宗祖。知得宗祖。降心應物。不爲物迷。性  
自住。氣自迴。丹自結。一百字在應物不迷處來  
。應物不迷。卽是煉己之功。所謂煉己純熟。還  
丹自結也。了道歌云。未煉還丹先煉性。未修大  
藥且修心。性定自然丹信至。心靜然後藥苗生。  
特以還丹最易。煉己最難。若煉己不煉到無己時  
。則性不定。心不靜。丹何能還乎。然煉己若不  
知宗祖。其功莫施。三峰翁云。築基時。須用橐  
籥。煉己時。還要真鉛。真鉛卽宗祖。若不遇真

師訣破。真鉛一味大藥。誰敢下手。

### 壺中配坎離

氣迴丹結。真種到手。僅還得娘生本來面目。謂之還丹。又謂之小還丹。此丹猶未經真水火煅煉。尚是生丹。未成熟丹。不堪吞服濟命。必須將此丹煅成一箇不至陽之物。方能延得年。益得壽。坎外陰而內陽。其中之陽為真。為中正之陽。非幻身賢中之濁精。乃先天真一之神水。離外陽而內陰。其中之陰為真。為中正之際。非幻身心中之血液。乃先天虛靈之真火。此水此火。乃虛空天然之水火。非一切有形有象之水火。用此水。火烹煎靈藥。十二時中。不使間斷。勿忘勿助。綿綿若存。用之不勤。入藥鏡云。水怕乾。火怕

寒者是也。曰壺中配者天然水火。不假外求。神明默運。藥物老嫩。火候進退。隨時加減。消息於宥密之中。不使有一毫滲漏也。

陰陽生返覆。普化一聲雷。

水火烹煉之功。卽朝屯暮蒙之功。朝屯者進陽火也。暮蒙者運陰符也。時陽則進陽。時陰則運陰。陰而陽。陽而陰。陰陽搏聚。自生返覆。返覆者。恍惚裏相逢。杳冥中有變。返之覆之。陰陽混化。先天靈苗。由嫩而堅。自生而熟。自漸而頓。忽的造化爐中。迸出一粒至陽之丹。如空中乍雷一聲。驚醒夢裏人矣。

白雲朝頂上。甘露洒須彌。

當陽丹出鼎。吞而服之。點一己之陰汞。如貓捕鼠。白雲朝頂上者。冲和清氣上升。五氣朝元也。甘露洒須彌者。華池神水下降。萬病回春也。須彌山。在天地之正中。即人中有一寶之象。中之一寶。即是聖胎。又名黃芽。祖師示張珍奴詞云。地雷震動山頭雨。要洗濯黃芽出土。正是此義。

自飲長生酒。逍遙誰得知。

當聖胎凝結。神水流通。澆濯丹田。自然無質生質。無形生形。而一切勉強之功。無所用矣。故曰自飲長生酒。逍遙誰得知也。曰自飲。曰誰得。知者。蓋以長生逍遙之事。乃竊陰陽奪造化。先天而天弗違。後天而奉天時之事。雖天地神明。

不可得而測度。而況人能知之乎。

坐聽無絃曲。明通造化機。

莊子云。攝精神而長生。忘精神而無生。長生者。有爲了命之道。無生者。無爲了性之道。了性之道。卽九年面壁之功。面壁之功。卽十月溫養之功。九年之說。非實有九年之期。九爲純陽之數。卽金液九還。陰盡陽純之義。所謂一毫陰氣不盡不仙也。十月之說。聖胎成就。脫化之期。如婦懷孕。十月嬰兒出胞。亦法象也。十月溫養之功。防危慮險。萬有皆空。不使有一毫客氣。入於胎元之中。如壁列萬仞。一無所見也。十月溫養。九年面壁。二者是一義。非是兩件。皆故人取其義而象之耳。惟其溫養面壁。故曰坐聽無

絃曲。坐非身坐。乃心清意靜。不動不搖之坐。有絃曲。則有聲有音。無絃曲。則無聲無音矣。無聲無音。一空而已。既云無聲無音。聽箇甚的。曰聽則是空。而又不空。不空而又空。非頑空。乃真空也。曰坐聽者。離却見之一邊。絕於着於色矣。曰聽無絃曲。聽而不聽。已是離却聽之一邊。又不着於聲矣。金剛經云。若以色見我。以聲音求我。是人行邪道。不得見如來。如來者。如有所來。而實無來。此真空本來面目。卽超脫聖胎之大法門。成全法身之真口訣。要之無爲之功。總在坐之一字。坐則止於其所。內觀其心。心無其心。外觀其形。形無其形。遠觀其物。物無其物。三者既悟。惟見於空。空無所空。無亦無。無無既無。名爲照了。打破虛空。獨露。

全身。不生不滅。方便了當。有生者。所以脱幻  
身而固命基。還丹之道。從無而造於有也。無生  
者。所以脱法身而了性宗。大丹之道。從有而化  
於無也。有生無生。即造化之機。知此道者。始  
而從無造有以長生。終而從有歸無以無生。有無  
不立。性命雙修。明通天地造化之機。而與天地  
爲一矣。

### 都來二十句。端的上天梯。

養氣忘言守一句。統言修道之全體大用也。降心  
爲不爲一句。言煉己築基也。動靜知宗祖。無事  
更尋誰二句。言煉己築基。須要識得心也。眞常  
須應物。應物要不迷二句。言煉己之實功也。不  
迷性自住。性住氣自迴。氣迴丹自結三句。言煉

已功勤。還丹自結也。壺中配坎離一句。言丹還後。內爐之功也。陰陽生返覆一句。言陰陽變化。由嫩而堅也。普化一聲雷一句。言脫丹法象也。白雲朝頂上。甘露洒須彌二句。言服丹後之法象也。自飲長生酒。逍遙誰得知二句。言服丹結胎之法象也。坐聽無絃曲一句。言十月溫養之功也。明通造化機一句。是總結了性了命之大義也。以前十八句。還丹大丹。始終次序。火候工程。悉皆吐露。至簡至易。約而不繁。依法行持。自卑登高。由近達遠。端的爲修道者上天梯也。曰二十句者。並結尾二句言之耳。

百字碑註終

呂祖百字碑

張三峰祖師註

呂祖抱度人洪願。傳百字碑。張祖抱度人大願。註此百字碑。張祖之心。即呂祖之心也。故曰純陽三峰。乃神仙耳目。

養氣忘言守

凡修行者。先須養氣。養氣之法。在乎忘言守一。忘言則氣不散。守一則神不出。訣曰。緘舌。靜。抱神。定。

降心爲不爲

凡人之心。動盪不已。修行人欲入靜。貴乎制伏兩眼。眼者。心之門戶。須垂簾塞兑。一切事體。以心爲劍。想世事無益於我。火烈頓除。莫

去貪着。訣云。以眼視鼻。以鼻視臍。上下相顧。心息相依。着意玄關。便可降伏思慮。

### 動靜知宗祖

動靜者。一陰一陽也。宗祖者。生身之處也。修行人當知父母未生之前。卽玄牝也。一身上下。乾坤八卦。五行四象聚會之處。乃天地未判之先。一點靈光而成。卽太極也。心之下。賢之上。彷彿之內。念頭無息。所起之處。卽是宗祖。所謂動靜者。調和真氣。安理元也。蓋呼接天根。吸接地根。卽闔戶之謂坤。開戶之謂乾。呼則龍吟雲起。吸則虎嘯風生。一闔一闢。一動一靜。貴乎心意不動。任其真息往來。綿綿若存。調息至無息之息。打成一片。斯神可凝。丹可就矣。

無事更尋誰

若能養氣忘言守。降伏身心。神歸炁穴。意注規中。混融一炁。如雞抱卵。如龍養珠。念茲在茲。須臾不離。日久工深。自然現出黍米之珠。光耀如日。默化元神。靈明莫測。卽此是也。

真常須應物 應物要不迷

此道乃真常之道。以應事易於昏迷。故接物不可迷於塵事。若不應接。則空寂虛無。須要來則應之。事去不留。光明正大。乃是不迷。真性清靜。元神凝結。訣曰。着意頭頭錯。無爲又落空。

不迷性自住 性住氣自回

凡人性烈如火。喜怒哀樂。愛惡欲憎。變態無常。但有觸動。便生妄想。難以靜性。必要有真。懲忿則火降。寡欲則水昇。身不動。名曰煉精。煉精則虎嘯。元神凝固。心不動。名曰煉氣。煉氣則龍吟。元氣存守。意不動。名曰煉神。煉神則二氣交。三元混。元氣自回矣。三元者。精氣神也。二氣者。陰陽也。修行人應物不迷。則元神自歸。本性自住矣。性住則身中先天之氣自回。復性歸根。有何難哉。訣曰。回光返照。一心

氣回丹自結 壺中配坎離

修行人性不迷塵事。則氣自回。將見二炁升降於中宮。陰陽現合於丹鼎。忽覺賢中一縷熱氣。上

冲心府。情來歸性。如夫婦配合。如痴如醉。二氣網縵。結成丹質。而炁穴中水火相交。循環不已。則神馭氣。氣留形。不必雜術自長生。訣曰。耳目口三寶。閉塞勿發通。真人潛深淵。浮游守規中。直至丹田氣滿。結成刀圭也。

### 陰陽生反覆 普化一聲雷

功夫到此。神不外馳。氣不外洩。神歸炁穴。坎離已交。愈加猛烈精進。致虛之極。守靜之篤。身靜於杳冥之中。心澄於無何有之鄉。則真息自住。百脈自停。璇璣不行。太極靜而生動。陽產于西南之坤。坤卽腹也。又名曲江。忽然一點靈光。如黍米之大。卽藥生消息也。赫然光透。兩賢如湯煎。膀胱如火炙。腹中如烈風之吼。腹內

如震雷之聲。卽復卦天根現也。天根現。卽固心  
王。以神助之。則其炁如火逼金。上行穿過尾閭  
。輕輕運。默默舉。一團和氣。如雷之震。上升  
泥丸。周身踴躍。卽天風姤卦也。由月窟至印堂  
。眉中漏出玄光。卽太極動而生陰。化成神水甘  
露。內有黍米之珠。落在黃庭之中。點我離中靈  
汞。結成聖相之體。行周天火候一度。烹之煉之  
。丹自結矣。

白雲朝頂上 甘露洒須彌

到此地位。藥卽得矣。二氣結刀圭。關竅開通。  
火候水升。一炁周流。從太極中動天根。遇玄谷  
關。升二十四推骨節。至天谷關月窟。陰生香甜  
美味。降下重樓。無休無息。名曰甘露灑須彌。

訣曰。甘露滿口。以目送之。以意迎之。送下丹  
釜。凝結元氣以養之。

自飲長生酒 逍遙誰得知

養氣到此。骨節已開。神水不住。上下周流。往  
來不息。時時吞咽。謂之長生酒。訣曰。流珠灌  
養靈根性。修行之人知不知。

坐聽無絃曲。明通造化機

功夫到此。耳聽仙樂之音。又有鐘鼓之韻。五氣  
朝元。三花聚頂。如晚鴉來棲之狀。心田開朗。  
智慧自生。明通三教經書。默悟前生根本。預知  
未來休咎。大地山河。如在掌中。目視萬里。已  
得六通之妙。此乃實有也。吾行實到此際。若有

虛言。以誤後學。天必誅之。遇之不行。罪遭天  
譴。非與師遇。此事難知。

都來二十句 端的上天梯

自養炁忘言。至此二十句。皆是呂祖真正口訣。  
工夫無半點虛偽。乃修行上天之階梯。得悟此訣  
與註者。可急行之。勿妄漏洩。勿示匪人。以遭  
天譴。珍重奉行。克登天闕。  
百字碑註釋終

最上乗論

# 最上乘論

第五祖弘忍禪師述

凡趣聖道。悟解真宗。修心要論。若其不護淨者。  
。一切行無由取見。願善知識如有寫者。用心無  
令脫錯。恐誤後人。  
夫修道之本體。須識當身。心本來清淨。不生不  
滅。無有分別。自性圓滿。清淨之心。此是本師  
。乃勝念十方諸佛。  
問曰。何知自心本來清淨。答曰。十地經云。衆  
生身中有金剛佛性。猶如日輪。體明圓滿。廣大  
無邊。只爲五陰黑雲之所覆。如瓶內燈光。不能  
照輝。譬如世間雲霧。八方俱起。天下陰闇。日  
豈爛也。何故無光。光元不壞。只爲雲霧所覆。  
一切衆生清靜之心。亦復如是。只爲攀緣妄念。

煩惱諸見。黑雲所覆。但能凝然守心。妄念不生。  
。涅槃法自然顯現。故知自心。本來清靜。  
。維摩經云。問曰。何知自心本來不生不滅。  
。答曰。維摩經云。如無有生。如無有滅。  
。如者真如佛性。自性清淨。清淨者。心之原也。  
。真如本有。不從緣生。又云。一切衆生。皆如也。  
。衆賢聖亦如也。一切衆生者。即我等是也。  
。衆賢聖者。即諸佛是也。名相雖別。身中真如法性並同。  
。不生不滅。故言皆如也。故知自心本來不生不滅。  
。問曰。何名自心爲本師。答曰。此真心者。自然而有。  
。不從外來。不屬於修。於三世中。所有至親莫過自守於心。  
。若識心者。守之則到彼岸。迷心者。弃之則墮三塗。  
。故知三世諸佛以自心爲本師。故論云。了然守心。則妄念不起。則是無生。

。是知心是本師。  
問曰。何名自心勝念彼佛。答曰。常念彼佛。不  
免生死。守我本心。則到彼岸。金剛經云。若以  
色見我。以音聲求我。是人行邪道。不能見如來  
。故云。守本真心。勝求陀佛。又云。勝者只是  
約行勸人之語。其實究竟果體平等無二。  
問曰。衆生與佛真體既同。何故諸佛不生不滅。  
受無量快樂。自在無礙。我等衆生。墮生死中。  
受種種苦耶。答曰。十方諸佛。悟達法性。皆自  
然照燎於心源。妄想不生。正念不失。我所心滅  
。故得不受生死。不生死故。卽畢竟寂滅。故知  
萬樂自歸。一切衆生迷於真性。不識本心。種種  
妄緣。不修正念。故卽憎愛心起。以憎愛故。則  
心器破漏。心器破漏故。卽有生死。有生死故。

則諸苦自現。心王經云。真如佛性。沒在知見。六識海中。沉淪生死。不得解脫。努力會是守本真心。妄念不生。我所心滅。自然與佛平等無二。問曰。真如法性。同一無二。迷應俱迷。悟應俱悟。何故佛覺性。衆生昏迷。因何故然。答曰。自此已上。入不思議分。非凡所及。識心故悟。失性故迷。緣合卽合。說不可定。但信真諦。守自本心。故維摩經云。無自性。無他性。法本無生。今卽無滅。此悟卽離二邊。入無分別智。若解此義。但於行知法要。守心第一。此守心者。乃是涅槃之根本。入道之要門。十二部經之宗。三世諸佛之祖。問曰。何知守本真心。是涅槃之根本。答曰。涅槃

槃者。體是寂滅。無爲安樂。我心既是真心。妄想則斷。妄想斷故。則具正念。正念具故。寂照智生。寂照智生故。窮達法性。窮達法性故。則得涅槃。故知守本真心。是涅槃之根本。問曰。何知守本真心。是入道之要門。答曰。乃至舉一手爪。畫佛形像。或造恒沙功德者。只是佛爲教導。無智慧衆生。作當來勝報之業。及見佛之因。若願自早成佛者。會是守本真心。三世諸佛。無量無邊。若有一人不守真心。得成佛者。無有是處。故經云。制心一處。無事不辦。故知守本真心。是入道之要門也。問曰。何知守本真心。是十二部經之宗。答曰。如來於一切經中。說一切罪福。一切因緣果報。或引一切山河大地草木等。種種雜物。起無量無

邊譬喻。或現無量神通。種種變化者。只是佛爲  
教導無智慧衆生。有種種欲心。心行萬差。是故  
如來隨其心門。引入一乘。我既體知衆生佛性。  
本來清淨。如雲底日。但了然守本真心。妄念雲  
盡。慧日卽現。何須更多學知見。所生死苦。一  
切義理及三世之事。譬如磨鏡。塵盡明自然現。  
則今於無明心中學得者。終是不堪。若能了然不  
失正念。無爲心中學得者。此是真學。雖言真學  
。竟無所學。何以故。我及涅槃。二皆空故。更  
無二無一。故無所學。法性雖空。要須了然守本  
真心。妄念不生。我所心滅。故涅槃經云。知佛  
不說法者。是名具足多聞。故知守本真心。是十  
二部經之宗也。  
問曰。何知守本真心。是三世諸佛之祖。答曰。

三世諸佛。皆從心性中生。先守真心。妄念不生。我心所滅。後得成佛。故知守本真心。是三世諸佛之祖也。上來四種問答。若欲廣說何窮。吾今望得汝自識本心是佛。是故慇懃勸汝。千經萬論。莫過守本真心是要也。吾今努力按法華經。示汝大車寶藏。明珠妙藥等物。汝自不取不服。窮苦奈何。會是妄念不生。我所心滅。一切功德。自然圓滿。不假外求。歸生死苦。於一切處。正念察心。莫愛現在樂。種未來苦。自誑誑他。不脫生死。努力努力。今雖無常。共作當來成佛之因。莫使三世虛度。枉喪功夫。經云。常處地獄。如遊園觀。在餘惡道。如已舍宅。我等衆生。今現如此。不覺不知。驚怖煞人。了無出心。奇哉苦哉。若有初心學坐禪者。依觀無量壽經。

端坐正念。閉目合口。心前平視。隨意近遠。作  
一日想。守真心念念莫住。卽善。調氣息莫使乍  
麤乍細。則令人成病苦。夜坐禪時。或見一切善  
惡境界。或入青黃赤白等諸三昧。或見身出大光  
明。或見如來身相。或見種種變化。但知攝心莫  
著。並皆是空。妄想而見也。經云。十方國土。  
皆如虛空。三界虛幻。唯是一心作。若不得定。  
不見一切境界者。亦不須恠。但於行住坐臥中。  
常了然守本真心。會是妄念不生。我所心滅。一  
切萬法不出自心。所以諸佛廣說。如許多言教。  
譬喻者。只爲衆生行行不同。遂使教門差別。其  
實八萬四千法門。三乘八道位體。七十二賢行宗  
。莫過自心是本也。若能自識本心。念念磨煉。  
莫住者。卽自見佛性也。於念念中。常供養十方

恒沙諸佛。十二部經。念念常轉。若了此心源者。一切心義自現。一切願具足。一切行滿。一切皆辦。不受後有。會是妄念不生。我所心滅。捨此身已。定得無生。不可思議。努力莫造作如此真實不妄語。難可得聞。聞而能行者。恒沙衆中。莫過有一行而能到者。億萬劫中。希有一人。好好自安自靜。善調諸根。就視心源。恒令照燎清靜。勿令無記心生。就視心源。恒令照燎。問曰。何名無記心。答曰。諸攝心人爲緣外境。麤心小息。內鍊真心。心未清靜時。於行住坐臥中。恒懲意看心。猶未能了了清淨。獨照心源。是名無記心也。亦是漏心。猶不免生死大病。況復總不守真心者。是人沉沒生死苦海。何日得出。可憐努力努力。經云。衆生若情誠不內發者。

於三世縱值恒沙諸佛。無所能爲。經云。衆生識  
心自度。佛不能度衆生。若佛能度衆生者。過去  
諸佛恒沙無量。何故我等不成佛也。只是情誠不  
自內發。是故沉沒苦海。努力努力。勸求本心。  
勿令妄漏。過去不知。已過亦不及。今身現在。  
有遇得聞妙法。分明相勸。決解此語。了知守心  
。是第一道。不肯發至誠心。求願成佛。受無量  
自在快樂。乃始轟轟。隨俗貪求名利。當來墮大  
地獄中。受種種苦惱。將何所及。奈何奈何。努  
力努力。但能著破衣。飧麤食。了然守本真心。佯  
癡不解語。最省氣力。而能有功。是大精進人也。  
。世間迷人不解此理。於無明心中。多涉艱辛。  
廣修相善。望得解脫。乃歸生死。若了然不失正  
念。而度衆生者。是有力菩薩。分明語汝等。守

心第一。若不勸守者。甚癡人也。不肯現在一生  
忍苦。欲得當來萬劫受殃。聽汝更不知何囑。八  
風吹不動者。真是珍寶山也。若知果體者。但對  
於萬境起恒沙作用。巧辯若流。應病與藥。而能  
妄念不生。我所心滅者。真是出世丈夫。如來在  
日。歎何可盡。吾說此言者。至心勸汝。不生妄  
念。我所心滅。則是出世之士。  
問曰。云何是我所心滅。答曰。爲有小許勝他之  
心。自念我能如此者。是我所心。涅槃中病故。  
涅槃經曰。譬如虛空。能容萬物。而此虛空不自  
念言。我能含容如是。此喻我所心滅。趣金剛三  
昧。  
問曰。諸行人求真常寂者。只樂世間無常麤善。  
不樂第一義諦真常妙善。其理未見。只欲發心緣

義。遂思覺心起。則是漏心。只欲亡心。則是無明昏住。又不當理。只欲不止。心不緣義。卽惡取空。雖受人身。行畜生行。爾時無有定慧方便。而不能解了。明見佛性。只是行人沉沒之處。若爲超得到無餘涅槃。願示真心。答曰。會是信心具足。志願成就。緩緩靜心。更重教汝。好好自閑靜身心。一切無所攀緣。端住正念。善調氣息。懲其心不在內。不在外。不在中間。好好如如。穩看看熟。則了見此心識流動。猶如水流。陽焰晔晔不住。既見此識時。唯是不內不外。緩緩如如。穩看看熟。則返覆銷融。虛凝湛住。其此流動之識。颯然自滅。滅此識者。乃是滅十地菩薩衆中障惑。此識滅已。其心卽虛。凝寂淡泊。皎潔泰然。吾更不能說其形狀。汝若欲得者。取

涅槃經。第三卷中。金剛身品。及維摩經第三卷。見阿闍佛品。緩緩尋思。細心搜檢熟看。若此經熟實得能於行住坐臥。及對五欲八風。不失此心者。是人梵行已立。所作已辦。究竟不受生死之身。五欲者。色聲香味觸。八風者。利衰毀譽稱譏苦樂。此是行人磨鍊佛性處。甚莫恠。今身不得自在。經曰。世間無佛住處。菩薩不得現用。要脫此報身。衆生過去。根有利鈍。不可判。上者一念間。下者無量劫。若有力時。隨衆生性。起菩薩善根。自利利他。莊嚴佛土。要須了四依。乃窮實相。若依文執。則失真宗。諸比丘。等汝學佗出家修道。此是出家。出生死枷。是名出家。正念具足。修道得成。乃至解身支節。臨命終時。不失正念。卽得成佛。弟子上來集此論。

者。直以信心依文取義。作如是說。實非了了證  
知。若乖聖理者。願懺悔除滅。若當聖道者。迴  
施衆生。願皆識本心。一時成佛。聞者努力。當  
來成佛。願在前度我。門徒。  
問曰。此論從首至末。皆顯自心是道。未如果行  
二門。是何門攝。答曰。此論顯一乘爲宗。然其  
至意。導迷趣解。自免生死。乃能度人。直言自  
利。不說利他。約行門攝。若有人依文行者。卽  
在前成佛。若我誑汝。當來墮十八地獄。指天地  
爲誓。若不信我。世世被虎狼所食。  
最上乘論一卷終

邁邇道入云

夫日月是天地之精。上照三十三天。下照九極萬

泰。東西運轉。上下升降。寒暑往來。日是純陽之體。內含一點真陰之精。屬青龍姤女。甲木水銀。金烏三魂卽是外。月是純陰之體。內含一點真陽之氣。屬白虎嬰兒。庚金硃砂。玉兔七魄卽是內。人身造化同天地。故人身亦有真日月。道在邇。人何求之遠也。三魂屬性。性在天邊。七魄屬命。命在海底。性命兩個字。了却萬卷書。修真之道。從可知焉。命在海底。指丹田也。按性在天邊。指眉心也。命在海底。指丹田也。

### 呂祖沁園春

七返還丹。在人先須煉已待時。正一陽動。中宵漏永。溫溫鉛鼎。光透簾帷。造化爭馳。龍虎交會。進火工夫牛斗危。曲江上。見月華瑩淨。有

個飛鳥飛。當時。自飲刀圭。又誰信。无中養就  
兒。辨水源青濁。木金間隔。不因師指。此事難  
知。道要玄微。天機深遠。下手速修猶太遲。蓬  
萊路仗三千行滿。獨步雲歸。

### 文帝百字銘

慾寡精神爽。思多血氣衰。少盃不亂性。忍氣免  
傷財。貴自勤中得。富從儉裏來。溫柔終益己。  
強暴必招災。善處真君子。刁唆是禍胎。暗中休  
使前。乖裏放些呆。養性須修善。欺心莫喫齋。  
衙門休出入。鄉黨要和諧。安分身無辱。閑非口  
莫開。世人依此語。災退福星來。

### 呂祖師尊訓示

(重)

嗟彼濁世境  
願我邯鄲客  
紛紜實可哀  
喚得道心回

### 福星編後言

集編者無名氏

道本無言。故言欲無所言。非不欲言。五期福星。衆聖所言。卽吾所欲言者也。言已不少矣。今欲言者。同道如欲更進一步。深究三教道理。除已言者外。畧舉一二。以作參考。如儒之大學、中庸。釋之金剛、華嚴、楞嚴、六祖壇經。達摩之血脈論、悟性論。黃檗傳心法要。僧肇論等。道之參同契。太上十三經。道德、陰符、清靜、玉樞、護命、大通、洞古、定觀、黃庭經等。呂祖師之黃鶴賦、百句章、真經歌、鼎器歌、採金歌等。更有儒之四書五經。釋之三藏。道之道藏。

等等。夫學無止境。天下學問。淵博無涯。以有涯之身。而求無涯之學問。以俗世人而言。何可得乎。白玉蟾師嘗云。『一言半句妙通玄。何用丹書千萬篇。人若不爲形所累。眼前便是大羅天。』至道之要。靜心守一。則衆垢除。萬事畢矣。自性自度。不假外求。是一要旨也。祇要尊師重道。省身自覺。切實躬行。立志堅定。勤修養煉。力修終點。在世則爲人間之菩薩。功德果滿。步上寶塔。可以期矣。近世異端繁興。道德沉淪。此消彼長。道之理也。晚近學府。欠缺教育人性道德學理。致令學子。如水中之魚。祇知有水。不知有天有地。祇求追逐。不求返本。罔知倫常綱紀。任性妄爲。天下豈能安寧哉。禍福本由心造。治本天下平矣。

事不振則不興。人不學不知理。是以振興道德。  
以消世劫。仁人有責。人人之使命焉。

回  
頭  
是  
岸

倘如行傳  
承蒙之之  
翻索者者  
印閱昌功

更當證印  
表即之之  
歡奉者者  
迎贈壽德

## 香港贈送處：

香港九龍鑽石山荷里活廣場二樓 207 鋪

電話：二三六六零三八九

傳真：二三六九零六一四

抱道堂 香港北角書局街廿三號十八樓

電話：二五六三二六七四

仁楓洞 荃灣眾安街一佰一十號三樓

電話：二四九二二零零二

雲鶴山房 香港鰂魚涌濱海街七十六號二樓

電話：二五六五五五九零

省善真堂 香港九龍律倫街七—八號

電話：二三三六九七一五

**加拿大**

**贈送處：**

**TORONTO TAOIST**

**LUK HOP SING TONG HALL,**

**7, D'ARCY STREET, TORONTO, ONT.**

**M5T 1J8, CANADA**

多倫多市中心

華埠達士街七號地下

多倫多道教六合聖堂

**TEL: 416-597-9609**

善士名榜

謝舜良	謝劍修	戴銘修	勞淡修	龔家修	胡乾振	李大五	梁佑蓮	江宿修	緣超五	曾富修	有名氏	無名氏
一	二	二	三	三	五	五	五	五	五	一	一	一
百	百	百	百	百	百	百	百	百	百	千	千	千
元	元	元	元	元	元	元	元	元	元	元	元	元
張民	池乃勳	麥勤修	郭亦蓮	梁賡昌	梁賡傑	張潔英	蔡範冬	陳希靜	黃仁甦	余道亨	余嘉弘	余嘉仁
一	一	一	一	一	一	一	一	一	一	一	一	一
百	百	百	百	百	百	百	百	百	百	百	百	百
元	元	元	元	元	元	元	元	元	元	元	元	元
洪慰蓮	陳雙修	梁淑珍	梁仲明	何心蓮	林伴山	胡慧通	林轟修	薛鴻洲	黃品修	劉尚修	馬跏蓮	黃明
一	一	一	一	一	一	一	一	一	一	一	一	一
百	百	百	百	百	百	百	百	百	百	百	百	百
元	元	元	元	元	元	元	元	元	元	元	元	元

許培三十元	林白蓮五十元	陳燦修五十元	劉現修五十元	樂助五十元	麥道明五十元	源淑興五十元	梁月蓮五十元	余燃寬五十元	蘇宅合家一百元	黃宅一百元	李兆權一百元	駱裕光一百元	梁禾修一百元
李慧和三十元	玄默五十元	楊藻蓮五十元	劉永生五十元	魏敵樞五十元	關恒修五十元	蔡標蓮五十元	馮步蓮五十元	麥京華五十元	張善興五十元	致虛五十元	龍炳蓮五十元	劉漢華五十元	關挺修五十元
招寶源廿五元	謝盟修三十元	勞善之五十元	謝桂香五十元	何協修五十元	蘇審蓮五十元	張尚德五十元	鄭展立五十元	何麗儀五十元	陸興五十元	唐榮修五十元	梁崇蓮五十元	李輟蓮五十元	王九蓮五十元

卓偉三十元

無名氏三十元

鍾家駿二十元

阮柏炤三十元

梁奩霄三十元

鍾家龍二十元

招發三十元

余桑泉三十元

馬松庭二十元

韋婉萍三十元

沈惺明三十元

羅茗傷二十元

韋婉婷三十元

招愛棻廿五元

陳偉文二十元

陳愛三十元

招愛清廿五元

無名氏二十元

老藩蓬三十元

招愛詩廿五元

甘康蓮一十元

第一期敬印式仟本

第二期敬印式仟本

第三期敬印式仟本

第四期敬印式仟本

第五期敬印式仟本

非賣品

如蒙索閱  
倘承翻印

當即奉贖  
更表歡迎

贈送處

抱道堂

香港北角英皇道四五六號

美倫大廈十八樓

電話.. H 六三二六七四

承印.. 巧華印刷公司

香港九龍土瓜灣鶴齡街21號地下

電話.. 三三三三六八

天運甲子年  
公曆一九八四年

第五期敬印式式仟本  
共銀港幣一萬貳仟元正